

**ЎЗБЕКИСТОН РЕСПУБЛИКАСИ**  
**ҚОНУН ҲУЖЖАТЛАРИ**  
**ТЎПЛАМИ**

**20-сон**  
**(56)**  
**2002 й.**  
**октябрь**

---

*Ўзбекистон Республикаси Қонун ҳужжатлари тўплами тўрт бўлимдан иборат:*

*тўпламнинг биринчи бўлимида Ўзбекистон Республикаси қонунлари ва Олий Мажлиснинг қарорлари эълон қилинади;*

*иккинчи бўлимда Ўзбекистон Республикаси Президентининг фармон ва фармойишлари эълон қилинади;*

*учинчи бўлимда Вазирлар Маҳкамасининг қарор ва фармойишлари эълон қилинади;*

*тўпламнинг тўртинчи бўлимида Ўзбекистон Республикаси Конституциявий судининг қарорлари эълон қилинади.*

**МУНДАРИЖА**

*Иккинчи бўлим*

152. «Ташқи иқтисодий алоқалар соҳасида бошқарув тизимини янада эркинлаштириш ва такомиллаштириш тўғрисида» Ўзбекистон Республикаси Президентининг 2002 йил 21 октябрдаги ПФ-3151-сон Фармони
153. «Ўзбекистон Болалар спортини ривожлантириш жамғармасини тузиш тўғрисида» Ўзбекистон Республикаси Президентининг 2002 йил 24 октябрдаги ПФ-3154-сон Фармони

*Учинчи бўлим*

154. «Ижро ишини ривожлантириш жамғармасини ташкил этиш тўғрисида» Ўзбекистон Республикаси Вазирлар Маҳкамасининг 2002 йил 17 октябрдаги 358-сон қарори
155. «Литва Республикаси билан иқтисодий ҳамкорликни янада ривожлантириш чоратадбирлари тўғрисида» Ўзбекистон Республикаси Вазирлар Маҳкамасининг 2002 йил 18 октябрдаги 360-сон қарори
156. «Ўзбекистон Республикаси давлат авиацияси авиация ходимларига тегишли лавозимлар рўйхатини тасдиқлаш тўғрисида» Ўзбекистон Республикаси Вазирлар Маҳкамасининг 2002 йил 21 октябрдаги 361-сон қарори
157. «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» Ўзбекистон Республикаси Вазирлар Маҳкамасининг 2002 йил 22 октябрдаги 363-сон қарори

158. «Ўзбекистон Республикаси Вазирлар Маҳкамасининг Ташқи иқтисодий алоқалар комплексини ташкил этиш тўғрисида» Ўзбекистон Республикаси Вазирлар Маҳкамасининг 2002 йил 22 октябрдаги 364-сон қарори
159. «Ўзбекистон Республикаси Ташқи иқтисодий алоқалар агентлиги фаолиятини ташкил этиш тўғрисида» Ўзбекистон Республикаси Вазирлар Маҳкамасининг 2002 йил 23 октябрдаги 368-сон қарори
160. «Ўзбекистон Болалар спортини ривожлантириш жамғармаси фаолиятини ташкил этиш тўғрисида» Ўзбекистон Республикаси Вазирлар Маҳкамасининг 2002 йил 31 октябрдаги 374-сон қарори
161. «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» Ўзбекистон Республикаси Вазирлар Маҳкамасининг 2002 йил 31 октябрдаги 375-сон қарори

## ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

### **152 Ташқи иқтисодий алоқалар соҳасида бошқарув тизими янада эркинлаштириш ва такомиллаштириш тўғрисида**

Ўзбекистон Республикасининг «Ташқи иқтисодий фаолият тўғрисида»ги Қонунига мувофиқ ҳамда ташқи иқтисодий алоқаларни янада ривожлантириш ва чуқурлаштириш, ташқи савдони эркинлаштириш, ташқи иқтисодий фаолиятни ривожлантиришда хўжалик юритувчи субъектларнинг мустақиллигини ошириш, маркетинг тизимини такомиллаштириш ва мамлакат товарларини халқаро бозорларга кенг кўламда киритиш мақсадида:

1. Ўзбекистон Республикаси Ташқи иқтисодий алоқалар вазирлиги Ўзбекистон Республикаси Ташқи иқтисодий алоқалар агентлиги этиб қайта ташкил қилинсин.

2. Қўйидагилар Ташқи иқтисодий алоқалар агентлигининг асосий вазифалари этиб белгилансин:

ташқи иқтисодий фаолият соҳасида ягона давлат сиёсати ўтказилишини таъминлаш ва уни ривожлантириш стратегиясини шакллантиришда иштирок этиш;

миллий иқтисодиётнинг рақобатбардошлигини ривожлантириш ва ошириш ҳамда унинг жаҳон иқтисодий тизимига интеграциялашуви бўйича шарт-шароитлар яратиш ва чора-тадбирларни амалга ошириш;

республиканинг экспорт салоҳиятини ривожлантириш дастурларини рўёбга чиқаришга кўмаклашиш;

мамлакат товар ишлаб чиқарувчиларининг маҳсулотлари ташқи бозорларга кириб бориши учун қулай шарт-шароитларни таъминлаш чора-тадбирлари комплексини амалга ошириш;

хорижий инвестицияларни жалб этиш соҳасида давлат сиёсатининг рўёбга чиқарилишини таъминлаш;

ташқи иқтисодий фаолиятни тартибга солиш чора-тадбирлари комплексини амалга ошириш;

Ўзбекистон Республикасининг хорижий давлатлар, халқаро иқтисодий ва молиявий институтлар, бошқа халқаро ҳуқуқ субъектлари билан савдо-иқтисодий ва молиявий ҳамкорлиги ривожланишини таъминлаш;

Ўзбекистон Республикасининг ташқи иқтисодий хавфсизлиги ва иқтисодий манфаатлари, Ўзбекистон Республикаси ташқи иқтисодий фаолият субъектларининг ҳуқуқ ва манфаатлари ҳимоя қилинишини таъминлаш.

3. «Инновация» ДАТСК, «Ўзмарказимпекс» ДАТСК, «Ўзсаноатмашимпекс» ДАТСК, «Марказсаноатэкспорт» ДАТСК, «Ўзташқитранс» ДАК, «Ўрта Осиё Транс» халқаро автомобилда юк ташиш ДАК акциядорлик компаниялари Ўзбекистон Республикасининг қайта ташкил этилаётган Ташқи иқтисодий алоқалар вазирлиги таркибидан чиқарилсин ҳамда уларнинг мустақил хўжалик юритувчи субъектлар сифатида фаолият кўратиши белгилаб қўйилсин.

4. Ўзбекистон Республикаси Вазирлар Маҳкамасининг Ташқи иқтисодий алоқа-

лар комплекси раҳбари юқорида кўрсатиб ўтилган давлат-акциядорлик ташқи савдо ва транспорт компанияларининг фаолиятига, ташкилий тузилмаси ва бошқарув тизимида танқидий баҳо бериб, уларнинг Ўзбекистон ташқи иқтисодий фаолиятини эркинлаштириш ва иқтисодий манфаатларини ҳимоя қилиш борасида амалга оширилаётган сиёсатнинг объектив талабларига мувофиқ бўлишига алоҳида эътибор қаратсин.

5. Қорақалпоғистон Республикаси Ташқи иқтисодий алоқалар вазирлиги Қорақалпоғистон Республикаси Ташқи иқтисодий алоқалар агентлиги этиб;

Ташқи иқтисодий алоқалар вазирлигининг вилоятлар ва Тошкент шаҳридаги вакиллик бошқармалари Ташқи иқтисодий алоқалар агентлигининг вилоятлар ва Тошкент шаҳридаги бошқармалари этиб қайта ташкил этилсин.

6. Белгилаб қўйилсинки, Ўзбекистон Республикаси Ташқи иқтисодий алоқалар агентлиги, Қорақалпоғистон Республикаси Ташқи иқтисодий алоқалар агентлиги ва Агентликнинг минтақавий бошқармалари тегишли равишда Ўзбекистон Республикаси Ташқи иқтисодий алоқалар вазирлиги, Қорақалпоғистон Республикаси Ташқи иқтисодий алоқалар вазирлиги ҳамда Ташқи иқтисодий алоқалар вазирлиги минтақавий вакиллик бошқармаларининг ҳуқуқ ва мажбуриятлари бўйича ҳуқуқий ворис ҳисобланадилар.

7. «Ташқи иқтисодий алоқалар вазирлигини ташкил этиш тўғрисида» Ўзбекистон Республикаси Президентининг 1992 йил 21 февралдаги ПФ-350-сон Фармони ўз кучини йўқотган деб ҳисоблансин.

8. Ўзбекистон Республикаси Адлия вазирлиги манфаатдор идоралар билан бирга-ликда бир ой муддатда амалдага қонунчиликка ушбу Фармондан келиб чиқадиган ўзгартириш ва қўшимчалар киритиш тўғрисидаги таклифларни Вазирлар Маҳкамасига тақдим этсин.

9. Ўзбекистон Республикаси Вазирлар Маҳкамаси бир ҳафта муддатда мазкур Фармон ижроси юзасидан ҳуқумат қарорини қабул қилсин.

**Ўзбекистон Республикаси Президенти И. КАРИМОВ**

Тошкент ш.,  
2002 йил 21 октябрь,  
ПФ-3151-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

## **153** Ўзбекистон Болалар спортини ривожлантириш жамғармасини тузиш тўғрисида

Мамлакатда амалга оширилаётган кадрлар тайёрлаш давлат дастурига мувофиқ ҳамда ўсиб келаётган ёш авлоднинг жисмоний ва маънавий саломатлигини шакллантиришнинг, соғлом турмуш тарзига интилиш ва спортга меҳр-муҳаббатни синдиришнинг ғоят муҳим шарти сифатида болалар оммавий спортини ривожлантиришни таъминлаш мақсадида:

1. Ёшларнинг «Камолот» ижтимоий ҳаракати, «Соғлом авлод учун» халқаро жамғармаси, ноҳуқумат жамоат ташкилотлари, Ўзбекистон Республикаси Халқ таълими

---

*Ўзбекистон Республикаси Қонун ҳужжатлари тўплами, 2002 й.*

вазирлиги, Олий ва ўрта махсус таълим вазирлиги, соғлиқни сақлаш вазирлиги, Давлат жисмоний тарбия ва спорт қўмитасининг Ўзбекистон Болалар спортини ривожлантириш жамғармасини тузиш тўғрисидаги таклифлари қабул қилинсин.

Белгилаб қўйилсинки, Ўзбекистон Болалар спортини ривожлантириш жамғармаси барча, шу жумладан хорижий ташкилотлар, уюшмалар, компания ва фирмаларнинг, юридик ҳамда жисмоний шахсларнинг иштирок этишлари учун очиқ бўлган халқаро ноҳукумат жамоат ташкилоти ҳисобланади.

2. Қўйидагилар Жамғарманинг асосий вазифалари этиб белгилансин:

болалар жисмоний тарбия ва спортини ривожлантириш борасида давлат сиёсатини ишлаб чиқиш ва амалга оширишга, болалар спортини аниқ мақсад йўлида ва барқарор авж олдиришга кўмаклашиш;

болаларда спортга меҳр уйғотиш, ўсиб келаётган ёш авлод онгида спорт билан шуғулланиш, соғлом турмуш тарзига амал қилиш, маънавий ва жисмоний камолга интилиш, уларни салбий таъсирдан ҳимоя қилиш ҳамда зарарли одатлардан халос этиш, болаларни барқарор феъл-атворли, Ватанига меҳр-муҳаббат ва ўз мамлакати учун ғурур-ифтихор руҳида тарбиялаш борасидаги чора-тадбирлар комплексини амалга ошириш;

биринчи навбатда қишлоқ жойларда болалар жисмоний тарбия ва спортининг моддий базасини шакллантириш, аҳоли манзилгоҳларида замонавий болалар спорт комплекслари тармоғини барпо этиш, уларни замонавий спорт ускуналари ҳамда анжомлари билан жиҳозлаш, улардан самарали фойдаланишни таъминлашга кўмаклашиш бўйича зарур молиявий ва моддий маблағларни жамлаш;

болаларнинг жисмоний ва руҳий жиҳатдан уйғун камол топишини таъминлашни назарда тутган ҳолда тиббиёт муассасалари ва ташкилотлари билан ўзаро яқин ҳамкорликни таъминлаш;

ҳудуд аҳолисининг зичлигини, спорт машғулотида жалб этиладиган болалар сони, жинси ва ёшини эътиборга оладиган болалар спорт майдончалари ва комплексларининг илмий асосланган намунавий лойиҳаларини ишлаб чиқишга кўмаклашиш;

болаларни жисмоний ва маънавий тарбиялашнинг замонавий шакл ва услубларини, жинси ва ёшига қараб болаларга спорт кўникмаларини сингдиришнинг, спорт соҳасида иқтидорли болаларни ихтисослаштирилган спорт мактаблари ва марказларидаги машғулотларга танлаб олишнинг илмий асосланган тизимларини ишлаб чиқишни ташкил этиш ҳамда уларни тадбиқ қилишга кўмаклашиш;

болаларни жисмоний тарбиялашнинг илмий асосланган замонавий тизимлари, шакл ва услубларини жорий этиш, болалар спорти бўйича устозлар аа педагог кадрларни мамлакатнинг етакчи илмий ҳамда таълим марказларида ва чет элларда тайёрлаш, қайта тайёрлаш ҳамда уларнинг малакасини ошириш борасида республика Миллий олимпия қўмитаси, спорт федерациялари, клуб ва ташкилотлари билан ўзаро фаол ҳамкорлик қилиш;

болалар оммавий спортини ривожлантириш, истиқомат жойларида техникавий жиҳозланган, замонавий болалар спорт комплексларини барпо этиш аҳамиятини кенг тарғиб қилишни ташкил этиш ва амалга ошириш, ушбу вазифаларни рўёбга чиқаришга жамоатчиликни, фуқароларнинг ўзини ўзи бошқариш органларини, кичик ва ўрта бизнес, хусусий тадбиркорлик вакилларини, корхона ва ташкилотларни, шу жумладан халқаро ташкилотларни фаол жалб этиш;

мамлакатимиз ҳамда чет эл инвестицияларини, ҳомийлик маблағлари ва грантларни болалар-ўсмирлар жисмоний тарбия ва спорти соҳасига кенг кўламда жалб этиш борасидаги ишларни ташкил қилиш.

3. Қорақалпоғистон Республикаси, вилоятлар, Тошкент шаҳрида, мамлакат шаҳар ва туманларида Жамғарма бўлимларини очиш мақсадга мувофиқ деб топилсин.

4. Қуйидагилар Болалар спортини ривожлантириш жамғармаси маблағларининг асосий манбалари этиб белгилансин:

давлат бюджети (республика ва маҳаллий бюджетлар) маблағлари;

Жамғарма муассисларининг пул бадаллари;

Миллий олимпия қўмитаси, спорт федерациялари, ташкилот ва клубларининг пул маблағлари;

хорижий мамлакатлар, халқаро ташкилотлар ҳамда молиявий институтларнинг грантлари ва улар томонидан бериладиган бегараз ёрдам;

хўжалик юритувчи субъектлар, кичик ва ўрта бизнес, хусусий тадбиркорлар, Ўзбекистон Республикасининг резидентлари ҳам, норезидентлари ҳам бўлмиш юридик ва жисмоний шахсларнинг бюджетдан ташқари жамғармаларга ажратмалари ва хомийлик маблағлари;

Жамғарма фаолиятдан, шунингдек Жамғарма олдиға қўйилган вазифаларни ҳал этиш мақсадида у таъсис қилган корхона ва ташкилотларнинг фаолиятдан олинадиган даромадлар;

қонунчиликда тақиқланмаган бошқа тушумлар.

5. Белгилансинки, Болалар спортини ривожлантириш жамғармаси:

ташқи иқтисодий ва халқаро спорт фаолиятини амалға ошириш, банкларда миллий ва хорижий валюталарда ҳисобварақлар очиш ҳуқуқига эға;

унинг низомидаги мақсад ва вазифаларға қатъиян мувофиқ бўлган асосий фаолият турлари бўйича барча турдаги солиқларни, божхона тўловлари (божхонада расмийлаштириш учун тўланадиган йиғимлар бундан мустасно) ҳамда давлат бюджетига ўтказиладиган бошқа мажбурий тўлов ва йиғимларни тўлашдан озод қилинади.

Мулкчилик шаклидан қатъи назар юридик шахсларнинг, шунингдек жисмоний шахсларнинг таъсис бадаллари ёки хомийлик ёрдами тарзида Жамғармага ўтказиладиган маблағлари солиққа тортиш базасидан чиқарилади.

Жамғарманиннг тижорат ва савдо-воситачилик фаолияти билан шуғулланиши истисно этилади.

6. Вазирликлар, идоралар, корпорациялар, компаниялар, уюшмалар ҳамда бошқа хўжалик бирлашмалари, Қорақалпоғистон Республикаси Вазирлар Кенгаши, вилоят, шаҳар ва туман ҳокимликлари Болалар спортини ривожлантириш жамғармаси фаолиятиға кенг миқёсда қўмаклашиб, ҳар томонлама ёрдам берсинлар.

7. «Соғлом авлод учун» ордени билан тақдирлашға ҳамда «Ўзбекистон Республикасида хизмат кўрсатган спорт устози», «Ўзбекистон Республикасида хизмат кўрсатган ёшлар мураббийси» фахрий унвонлари беришға номзодларни тақдим этиш чоғида Жамғарма Васийлик кенгашининг фикри ҳал қилувчи деб ҳисоблансин.

8. Ўзбекистон матбуот ва ахборот агентлиги, Ўзбекистон Телерадиокомпанияси, Ўзбекистон Миллий ахборот агентлиги, бошқа оммавий ахборот воситалари Жамғарма фаолиятини кенг кўламда ёритиб, мамлакатда болалар-ўсмирлар оммавий спортини ривожлантириш ишидаги ижобий тажрибани тарғиб қилсинлар, шунингдек Жамғарманиннг фаол хомийлари ахборот жиҳатдан қўллаб-қувватланишини, шу жумладан реклама қилинишини таъминласинлар.

9. Ўзбекистон Республикаси Вазирлар Маҳкамаси икки ҳафта муддатда Ўзбекистон Болалар спортини ривожлантириш жамғармаси фаолиятини ташкил этиш тўғрисида қарор қабул қилсин.

**Ўзбекистон Республикаси Президенти И. КАРИМОВ**

Тошкент ш.,  
2002 йил 24 октябрь,  
ПФ-3154-сон

---

*Ўзбекистон Республикаси Қонун ҳужжатлари тўплами, 2002 й.*

## УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

### **154** Ижро ишини ривожлантириш жамғармасини ташкил этиш тўғрисида

«Суд ҳужжатлари ва бошқа органлар ҳужжатларини ижро этиш тўғрисида»ги Ўзбекистон Республикаси Қонунига мувофиқ ҳамда ижро ишини янада такомиллаштириш ва суд ижрочилари фаолияти самарадорлигини ошириш мақсадида Вазирлар Маҳкамаси **қарор қилади:**

1. Ўзбекистон Республикаси Адлия вазирлиги ҳузуридаги Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаментининг Ижро ишини ривожлантириш жамғармаси ташкил этилсин.

2. Белгилансинки:

Жамғарманинг даромадлари ижро ҳужжатлари бўйича мажбурий тартибда давлат даромадига ундирилган суммадан 30 фоиз ажратмалар, шунингдек қонун ҳужжатларида тақиқланмаган бошқа манбалар ҳисобига шакллантирилади;

Жамғарманинг маблағларидан Департаментнинг ҳудудий бўлимлари ва суд ижрочилари туман (шаҳар) бўлинмалари биноларини қуриш, таъмирлашда ва уларнинг моддий-техник таъминотини мустаҳкамлашда, шунингдек суд ижрочилари фаолияти самарадорлигини оширишда фойдаланилади.

Жамғарма маблағларидан мақсадли фойдаланилиши учун шахсий жавобгарлик Ўзбекистон Республикаси Адлия вазирлиги ҳузуридаги Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаменти директори зиммасига юкланади.

3. Ижро ишини ривожлантириш жамғармаси тўғрисидаги Низом иловага мувофиқ тасдиқлансин.

4. Мазкур қарорнинг бажарилишини назорат қилиш Ўзбекистон Республикасининг Бош вазири Ў.Т. Султонов ва Ўзбекистон Республикаси Президентининг Давлат маслаҳатчиси Т.А. Худойбергенов зиммасига юклансин.

**Вазирлар Маҳкамасининг Раиси И. КАРИМОВ**

Тошкент ш.,  
2002 йил 17 октябрь,  
358-сон

Вазирлар Маҳкамасининг  
2002 йил 17 октябрдаги 358-сон қарорига  
ИЛОВА

### **Ижро ишини ривожлантириш жамғармаси тўғрисида НИЗОМ**

1. Ижро ишини ривожлантириш жамғармаси (кейинги ўринларда матнда «Жамғарма» деб юритилади) «Суд ҳужжатлари ва бошқа органлар ҳужжатларини ижро этиш тўғрисида»ги Ўзбекистон Республикаси Қонунига мувофиқ Ўзбекистон Республикаси Адлия вазирлиги ҳузуридаги Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаментида (кейинги ўринларда матнда «Департамент» деб юритилади) ташкил этилган ва суд ижрочиларини қўшимча равишда маблағ билан таъминлашга ҳамда улар фаолиятининг моддий-техник таъминотини яхшилашга мўлжалланган.

2. Жамғарма маблағлари:

а) ижро ишини амалга ошириш бўйича бюджетга ундирилган суммадан 30 фоиз ажратмалар;

б) Ўзбекистон Республикаси қонун ҳужжатларига мувофиқ бошқа тушумлар ҳисобига шакллантирилади.

3. Жамғарма маблағлари:

а) Департаментнинг ҳудудий бўлимлари ва суд ижрочилари туман (шаҳар) бўлинмалари биноларини қуриш, жиҳозлаш, таъмирлаш, инвентарлар, ташкилий техника воситалари билан таъминлаш, компьютерлаштиришга;

б) ижро ишларини амалга оширишда зарур харажатларга;

в) суд ижрочилари умумий сонининг 10 фоизигача доирада суд ижрочилари қўшимча штат бирликлари таъминотига;

г) хизмат мақсадлари учун автотранспорт ва техника воситалари сотиб олишга, уларни таъмирлаш ва уларга хизмат кўрсатишга;

д) суд ижрочиларини моддий рағбатлантириш ва ижтимоий муҳофаза қилиш (Департамент ходимларига уй-жойлар қуриш, уларни санаторий-курортда ва тиббий даволаш, маошларига устамалар ва қўшимчалар белгилаш, моддий ёрдам кўрсатиш)-га;

е) Жамғарма захирасини яратишга;

ж) ижро ишини такомиллаштириш билан боғлиқ бошқа мақсадларга йўналтирилади.

4. Суд ижрочиларининг қўшимча штат бирликларини жорий этиш ва уларнинг Жамғарма маблағлари ҳисобига таъминоти Ўзбекистон Республикаси Молия вазирлиги билан келишув бўйича амалга оширилади.

5. Жамғарма маблағларидан фойдаланиш суд ижрочилари туман (шаҳар) бўлинмаларини ривожлантириш дастурларини маблағ билан таъминлаш воситасида амалга оширилади.

Суд ижрочилари туман (шаҳар) бўлинмаларини ривожлантириш дастурлари, уларни маблағ билан таъминлаш миқдорлари, шунингдек Жамғарманинг ҳар йили захирага қўйиладиган маблағлари миқдори Жамғарма Кенгаши томонидан белгиланади.

6. Жамғарма Кенгашига Департамент директори раҳбарлик қилади, унинг таркибига шунингдек Департамент директорининг ўринбосари, Департамент бўлимлари бошлиқлари ва Департамент ҳудудий бўлимлари бошлиқлари киради.

Жамғарма маблағларидан фойдаланиш бўйича қарорлар Жамғарма Кенгаши аъзоларининг кўпчилик овози билан қабул қилинади.



Дастурлар бўйича харажатлар сметаларини Жамғарма Кенгаши томонидан белгиланган лимитлар доирасида тасдиқлаш ва уларга тузатишлар киритиш, шунингдек Жамғарманинг захира маблағларидан фойдаланиш Департамент директори зиммасига юкланади.

7. Жамғарма маблағларини тўплаш ва сарфлаш бўйича жорий ишлар Департамент томонидан амалга оширилади.

8. Жамғарманинг жорий йилда фойдаланилмаган маблағлари бюджетга олиб қўйилмайди ва улардан кейинги йилда фойдаланилади.

9. Жамғарма маблағларидан фойдаланиш тўғрисидаги ҳисобот ҳар йили Жамғарма Кенгаши томонидан кўриб чиқилади ва Департамент томонидан Ўзбекистон Республикаси Адлия вазирлигига ҳамда белгиланган тартибда Молия вазирлигига тақдим этилади.

#### ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

## 155 Литва Республикаси билан иқтисодий ҳамкорликни янада ривожлантириш чора-тадбирлари тўғрисида

Литва Республикаси билан савдо-иқтисодий ва инвестиция ҳамкорлигини янада чуқурлаштириш, Ўзбекистон Республикаси Президентининг 2002 йил 23-25 сентябрда Литва Республикасига расмий ташрифи давомида эришилган ахдлашувларни амалга ошириш мақсадида Вазирлар Маҳкамаси **қарор қилади:**

1. Ўзбекистон Республикаси Ташқи ишлар вазирлиги, Ташқи иқтисодий алоқалар вазирлиги, Олий ва ўрта махсус таълим вазирлиги, Давлат божхона қўмитаси, бошқа манфаатдор вазирликлар ва идоралар Ўзбекистон Республикаси Президентининг Литва Республикасига расмий ташрифи давомида имзоланган 1-иловага мувофиқ ҳужжатлар амалга оширилиши устидан мунтазам мониторинг ва назорат ўрнатсинлар.

2. Литва Республикаси билан иқтисодий ҳамкорликни ривожлантириш ва савдо айланмасини янада кўпайтириш чора-тадбирлари дастури 2-иловага\* мувофиқ тасдиқлансин.

Қуйидагилар Литва Республикаси билан инвестиция ҳамкорлигининг устувор йўналишлари ҳисоблансин:

маҳаллий хом ашё чуқур ишланиши, қайта ишлаш тармоқларининг экспорт салоҳияти оширилиши таъминланган ҳолда республика енгил ва озиқ-овқат саноати корхоналарини замонавийлаштириш;

қурилиш материаллари ва халқ истеъмол товарлари ишлаб чиқаришни, мебель саноатини ривожлантириш;

қишлоқ хўжалиги маҳсулотлари етиштириш ва уларни қайта ишлаш;

транспорт инфратузилмасини такомиллаштириш;

ишлаб чиқариш кооперациясини ривожлантириш ва мамлакатимиз маҳсулотларини экспортга етказиб беришни кўпайтириш шартларида Литва Республикасида қўшма корхоналар ташкил этилишига тўғридан-тўғри инвестициялар қўйиш.

\* 2-илова берилмайди.

3. Вазирлар Маҳкамасининг Ташқи иқтисодий алоқалар ва хорижий инвестициялар департаменти, Ўзбекистон Республикаси Макроиқтисодиёт ва статистика вазирлиги, Ташқи иқтисодий алоқалар вазирлиги манфаатдор вазирликлар ва идоралар билан биргаликда 3-иловага\* мувофиқ лойиҳалар ишлаб чиқилиши ва уларнинг экспертизадан ўтказилиши ташкил этилишини, шунингдек кичик ва ўрта бизнесни ривожлантиришни қўллаб-қувватлаш учун жалб этиладиган кредит линиялари доирасида уларни маблағ билан таъминлаш манбалари аниқланишини таъминласинлар.

4. Мазкур қарорнинг бажарилишини назорат қилиш Ўзбекистон Республикасининг Бош вазири Ў.Т. Султонов зиммасига юклансин.

**Вазирлар Маҳкамасининг Раиси И. КАРИМОВ**

Тошкент ш.,  
2002 йил 18 октябрь,  
360-сон

Вазирлар Маҳкамасининг  
2002 йил 18 октябрдаги 360-сон қарорига  
1-ИЛОВА

**Ўзбекистон Республикаси Президентининг Литва  
Республикасига расмий ташрифи давомида имзоланган  
ҳужжатлар  
РЎЙХАТИ**

1. Ўзбекистон Республикаси билан Литва Республикаси ўртасида давлатлараро муносабатлар, дўстлик ва ҳамкорлик асослари тўғрисида шартнома (Вильнюс, 2002 йил 24 сентябрь).

2. Ўзбекистон Республикаси Ташқи ишлар вазирлиги ва Литва Республикаси Ташқи ишлар вазирлиги ўртасида ҳамкорлик тўғрисида протокол (Вильнюс, 2002 йил 24 сентябрь).

3. Ўзбекистон Республикаси Давлат божхона қўмитаси ва Литва Республикаси Молия вазирлиги ҳузуридаги Божхона департаменти ўртасида қурол-яроғ, ўқ-дорилар, портловчи моддалар, гиёҳвандлик воситалари ва психотроп моддаларнинг ноқонуний айланишига қарши кураш бўйича ҳамкорлик тўғрисида битим (Вильнюс, 2002 йил 24 сентябрь).

4. Ўзбекистон Республикаси Миллий университети ва Вильнюс университети ўртасида ҳамкорлик тўғрисида шартнома (Вильнюс, 2002 йил 24 сентябрь).

---

\* 3-илова берилмайди.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

## **156** Ўзбекистон Республикаси давлат авиацияси авиация ходимларига тегишли лавозимлар рўйхатини тасдиқлаш тўғрисида

Ўзбекистон Республикаси Ҳаво кодексининг 48-моддасига мувофиқ Вазирлар Маҳкамаси **қарор қилади:**

1. Ўзбекистон Республикаси давлат авиацияси авиация ходимларига тегишли лавозимлар рўйхати иловага мувофиқ тасдиқлансин.

2. Ўзбекистон Республикаси Мудофаа вазирлиги ўз идоравий норматив ҳужжатларини мазкур қарорга мувофиқлаштирсин.

3. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари К.Н. Тўлаганов зиммасига юклансин.

**Ўзбекистон Республикасининг Бош вазири Ў. Султонов**

Тошкент ш.,  
2002 йил 21 октябрь,  
361-сон

Вазирлар Маҳкамасининг  
2002 йил 21 октябрдаги 361-сон қарорига  
ИЛОВА

### **Ўзбекистон Республикаси давлат авиацияси авиация ходимларига тегишли лавозимлар РЎЙХАТИ**

#### **1. Учувчилар таркибига кирувчи шахслар лавозимлари**

- авиация борттехниги — йўриқчиси;
- авиация борттехниги — йўриқчиси (катта йўриқчиси);
- авиация борттехниги;
- авиация борттехниги (авиация ва десант жиҳозлари бўйича) (катта авиация борттехниги);
- авиация борттехниги — йўриқчиси (авиация ва десант жиҳозлари бўйича) (катта йўриқчиси);
- бортмуҳандис — синовчи;
- бортмуҳандис — йўриқчи (авиация ва десант жиҳозлари бўйича);
- бортмуҳандис — ҳаво кемаси йўриқчиси (катта йўриқчиси);
- ҳаво кемасининг бортмуҳандиси;
- бортмуҳандис;
- бортмеханик (жумладан катта бортмеханик);
- бортрадист — синовчи (шу жумладан катта синовчи);
- борттехник — синовчи (шу жумладан катта синовчи);
- ҳаво радисти (шу жумладан катта ҳаво радисти);
- ҳаво радисти — (оғир самолёт) оператори (шу жумладан катта оператори);

---

*Ўзбекистон Республикаси Қонун ҳужжатлари тўплами, 2002 й.*

- парвоз экипажи алоқаси бўйича навбатчи;
- (парашют — десант гуруҳи ва қидириш-қутқариш хизмати) йўриқчи-методисти;
- вертолёт командири;
- ҳаво кемаси командири;
- учувчи — йўриқчи (шу жумладан катта йўриқчи);
- учувчи — синовчи (шу жумладан катта синовчи);
- (вертолёт) учувчи — штурмани;
- (вертолёт) учувчиси;
- учувчи (шу жумладан катта учувчи);
- учувчи — методист (вертолётларда);
- учувчи — методист (самолётларда);
- борт алоқа узели бошлиғи;
- (ҳаво-ўт очиш ва тактик тайёргарлик) офицер-учувчиси;
- ҳаво кемаси командири ёрдамчиси;
- штурман — синовчи;
- штурман — учувчи;
- ҳаво кемаси штурмани.

## **2. Ҳаво қатновини ташкил этувчи ва унга хизмат кўрсатувчи мансабдор шахслар**

- Фазодан фойдаланишни бошқаришнинг ягона тизими бош маркази бошлиғи (шу жумладан ўринбосарлари);
- навбатчи смена бошлиғи;
- диспетчерлик пункти бошлиғи;
- команда бериш пункти бошлиғи — жанговар бошқарув бўйича бригада штаби бошлиғининг ўринбосари;
- фазодан фойдаланишни бошқариш туман маркази бошлиғи (шу жумладан ўринбосарлари);
- парвозлар режимини назорат қилиш бўйича смена бошлиғининг ёрдамчиси (шу жумладан катта ёрдамчи);
- оператив навбатчи ёрдамчиси;
- парвозлар раҳбари;
- штурман — (учиб ўтишлар бўйича) смена бошлиғи ёрдамчиси (шу жумладан катта ёрдамчи);
- (ҳавфсизлик ва режим бўйича) штурман (шу жумладан катта штурман).

## **3. Ҳаво кемалари парвозларини ташкил этувчи мансабдор шахслар**

- муҳандислик — авиация хизмати (бирлашмаси) барча номлар ва ихтисослардаги бош муҳандислар;
- муҳандислик — авиация хизмати (авиация-техника отряди) барча номлар ва ихтисослардаги муҳандислари;
- ҳаво хужумидан мудофаа қилиш қўшинлари ва ҳарбий-ҳаво кучлари бўйича Қуролли Кучлар бирлашган штаби бошлиғининг инспектор-маслаҳатчиси;
- авиация отряди командири;
- авиация — техника отряди командири;
- авиация — техника базаси командири (шу жумладан ўринбосарлари);

- алоқа ва радиотехника таъминоти батальони командири (шу жумладан ўринбосарлари);
- бригада командири (шу жумладан ўринбосарлари);
- звено командири;
- ўқув звеноси командири;
- ўқув эскадрильяси командири (шу жумладан ўринбосарлари);
- эскадрилья командири (шу жумладан ўринбосарлари);
- (аэродромдан фойдаланиш, аэродромни таъмирлаш, техника, автомобиль, ёнилғи қўйиш, электрогаз, электротехника) взводлари (гуруҳлари) командирлари;
- ҳаво хужумидан мудофаа қилиш қўшинлари ва ҳарбий-ҳаво кучлари қўмондони;
- вертолёт авиацияси бошлиғи;
- ҳаво-ўт очиш ва тактик тайёргарлик (қўшилмаси, отряди) бошлиғи;
- алоқа ва радиотехника таъминоти қўшинлари бошлиғи (шу жумладан ўринбосарлари);
- Фазодан фойдаланишни бошқаришнинг ягона тизими бош маркази бошлиғи;
- (бирлашма) таъминлаш гуруҳи бошлиғи — разведка бўйича катта офицер;
- муҳандислик — авиация хизмати бошлиғи — (бирлашма) бош муҳандиси (шу жумладан ўринбосарлари);
- муҳандислик — авиация хизмати (қўшилмаси) бошлиғи (шу жумладан ўринбосарлари);
- муҳандислик — авиация хизмати (эскадрильяси) бошлиғи (шу жумладан ўринбосарлари);
- метрология хизмати (бирлашмаси) бошлиғи (шу жумладан ўринбосарлари);
- метрология хизмати (қўшилмаси) бошлиғи (шу жумладан ўринбосарлари);
- оператив бошқариш бошлиғи (шу жумладан ўринбосарлари);
- бўлим бошлиғи — (бирлашма) бош штурмани;
- бўлим бошлиғи — парвозлар хавфсизлиги бўйича катта инспектор;
- парвозлар вақтидаги ходисаларни текшириш ва профилактика қилиш бўлими бошлиғи;
- учишга тайёргарлик бўлими бошлиғи;
- (парвозларни таъминлаш устидан) назорат бўлими бошлиғи;
- (парвозларни амалга ошириш устидан) назорат бўлими бошлиғи;
- (қидириш-қутқариш ва парашют-десант хизмати (қўшилмаси) бошлиғи);
- разведка (ва радиоэлектрон воситасида курашиш) (қўшилмаси) бошлиғи;
- (самолётларни тайёрлаш) расчёти бошлиғи;
- алоқа бошлиғи — катта ҳаво (қўшилма) радисти;
- алоқа бошлиғи — катта ҳаво (эскадрилья) радисти;
- (қидириш-қутқариш ва парашют-десантни тайёрлаш) хизмати бошлиғи — катта инспектор-учувчи;
- техника-фойдаланиш қисми (звеноси) бошлиғи;
- техника-фойдаланиш қисми (қўшилмаси) бошлиғи (шу жумладан ўринбосарлари);
- ҳарбий-ҳаво кучлари бошқармаси бошлиғи;
- фронт авиацияси бошлиғи;
- муҳандислик-авиация хизмати (қўшилмаси), фотоназорат, назорат, ракеталарни тайёрлаш, энергетика таъминоти, баландлик анжомлари ва жиҳозлари, хизмат кўрсатиш ва регламент (аниқлаш воситалари);

- назорат-ёзиш аппаратлари ва ахборотларни ишлаш, тормоз-парашют тизимлари барча номлар ва ихтисослардаги гуруҳлари бошлиқлари;
- (эскадрилья) штурмани ёрдамчиси;
- барча номлар ва ихтисослардаги муҳандислик-авиация хизмати (қўшилмалари) катта муҳандислари;
- катта ҳаво радисти — инспектори;
- парвозларни таъминлаш бўйича катта инспектор;
- парвозлар хавфсизлиги бўйича катта инспектор;
- алоқа ва радиотехника асбоб-ускуналари бўйича радиотехника таъминоти бўлими катта офицери;
- (бирлашма) катта штурмани;
- (қўшилма) катта штурмани;
- (отряд) штурмани (шу жумладан катта штурман);
- (қўшилма) штурмани;
- (ўқув эскадрильяси) штурмани;
- (эскадрилья) штурмани.

#### **4. Ҳаво кемаларига техник хизмат кўрсатишни амалга оширувчи мансабдор шахслар**

— ҳаво кемаларига техник хизмат кўрсатиш, улардан фойдаланиш, уларни диагностика қилиш ва таъмирлаш, фотоназорат, назорат, ракеталарни тайёрлаш, энергетика таъминоти, баландлик анжомлари ва жиҳозлари, (аниқлаш воситалари)га хизмат кўрсатиш ва регламент, назорат-ёзиш аппаратлари ва ахборотларни ишлаш, тормоз-парашют тизимлари бўйича барча номлар ва ихтисослардаги авиация механиги (механик) (шу жумладан катта механик);

— ҳаво кемаларига техник хизмат кўрсатиш, улардан фойдаланиш, уларни диагностика қилиш ва таъмирлаш, фотоназорат, назорат, ракеталарни тайёрлаш, энергетика таъминоти, баландлик анжомлари ва жиҳозлари, (аниқлаш воситалари)га хизмат кўрсатиш ва регламент, назорат-ёзиш аппаратлари ва ахборотларни ишлаш, тормоз-парашют тизимлари бўйича барча номлар ва ихтисослардаги авиация техниги (техник) (шу жумладан катта техник);

— ҳаво кемаларига техник хизмат кўрсатиш, улардан фойдаланиш, уларни диагностика қилиш ва таъмирлаш, фотоназорат, назорат, ракеталарни тайёрлаш, энергетика таъминоти, баландлик анжомлари ва жиҳозлари, (аниқлаш воситалари)га хизмат кўрсатиш ва регламент, назорат-ёзиш аппаратлари ва ахборотларни ишлаш, тормоз-парашют тизимлари бўйича барча номлар ва ихтисослардаги секциялар командирлари;

— яқин навигация, радиотехника тизими, қўндириш радиомаяк гуруҳи, радио ва ёруғлик техникаси билан таъминлаш гуруҳи, прожектор секцияси, узатиш радиостанцияси, самолётларни қўндириш тизимлари, радиолокация бўлими, станцияси механиги (шу жумладан катта механик);

— радио-ёруғлик техникаси билан таъминлаш узели, яқин навигация радиотехника тизими, радиомаяк, радиомаркёр пункти, радиотехника станцияси, сменаси, старта команда бериш пункти, самолётларни қўндириш тизимлари, радиопеленгатор пункти, радиолокация бўлинмаси, радиолокация станцияси бошлиғи;

— (самолётларни тайёрлаш) расчёти бошлиғи ёрдамчиси;

— яқин навигация, радиотехника тизими, қўндириш радиомаяк гуруҳи, радио ва ёруғлик техникаси билан таъминлаш гуруҳи, прожектор секцияси, узатиш радиостанцияси, самолётларни қўндириш тизимлари, радиолокация бўлими, радиолокация станцияси техниги (шу жумладан катта техник).

**5. Ҳаво кемалари парвозларини таъминлашни амалга оширувчи мансабдор шахслар**

- диспетчер (учиб ўтишлар ва қўнишлар бўйича) (шу жумладан катта диспетчер);
- диспетчер;
- жанговар бошқарув гуруҳи бошлиғи;
- парвозларга раҳбарлик қилиш гуруҳи бошлиғи;
- оператив гуруҳ бошлиғи (авиацияни қидириш-қутқариш билан таъминлаш бўйича);
- авиацияни тартибга солиш пункти бошлиғи;
- жанговар бошқарув расчёти бошлиғи;
- (навигация ахбороти) хизмати бошлиғи;
- авиацияни жанговар бошқариш маркази бошлиғи (шу жумладан ўринбосарлари);
- (парвозлар ва учиб ўтишларни) бошқариш маркази бошлиғи;
- оператив навбатчи;
- (яқин навигация радиотехника станцияларининг авиацияни тартибга солиш приборлари ва самолётларни қўндириш тизимлари) оператори (шу жумладан катта оператор);
- (жанговар бошқарув) офицери;
- (тартибга солиш ва мақсадни кўрсатиш) офицери;
- парвозлар раҳбари ёрдамчиси (шу жумладан катта ёрдамчи);
- парвозлар раҳбари ёрдамчиси (қўниш зонаси раҳбари);
- (навигация ахбороти хизмати) катта офицери;
- (авиацияни қидириш-қутқариш билан таъминлаш бўйича) гуруҳ катта офицери;
- парвозлар раҳбарининг катта ёрдамчиси (яқин зона раҳбари);
- штурман (шу жумладан катта штурман);
- тартибга солиш штурмани (шу жумладан катта штурман).

**6. Рўйхатнинг 1–5-бандларига киритилмаган, авиация тайёргарлигини ва авиация спортини ривожлантиришни таъминловчи мансабдор шахслар**

- муҳандис-авиамоделчи;
- йўриқчи-учувчи-парашютчи;
- парашют-десант хизмати йўриқчиси;
- ўта енгил учиш аппаратлари учувчи-йўриқчиси;
- авиация-спорт клуби бошлиғи;
- авиация-техник спорт клуби бошлиғи;
- аэроклуб бошлиғи;
- авиация тайёргарлиги ва спортнинг авиация турлари бўлими бошлиғи;
- техник-авиамоделчи;
- ўта енгил учиш аппаратлари техниги.

## ЎЗБЕКИСТОН RESPUBLIKACИ BAZИPЛAP MAХҚAMACИНИНГ ҚАРОРИ

**157** Ўзбекистон Республикаси Хукуматининг айрим қарорларига ўзгартиришлар киритиш тўғрисида

Вазирлар Маҳкамаси **қарор қилади:**

Ўзбекистон Республикаси Хукуматининг қуйидаги қарорларига ўзгартиришлар киритилсин:

1. Ўзбекистон Республикаси Вазирлар Маҳкамасининг «Товарларнинг айрим турларини чаканалаб сотиш қоидаларини тасдиқлаш тўғрисида» 1997 йил 14 июлдаги 355-сон қарори (Ўзбекистон Республикаси ҚТ, 1997 й., 7-сон, 25-модда) билан тасдиқланган Қимматбаҳо металллар ҳамда қимматбаҳо тошлардан ясалган маҳсулотларни чакана савдо корхоналарида сотиш қоидаларининг 3-бандидаги «барча хўжалик юритувчи субъектлар (савдо корхоналари, тадбиркорлар)га» сўзлари «барча юридик шахсларга ва уларнинг таркибий бўлинмаларига» сўзлари билан алмаштирилсин.

2. Ўзбекистон Республикаси Вазирлар Маҳкамасининг «Тадбиркорлик фаолиятининг айрим турлари билан шуғулланишни тартибга солиш тўғрисида» 2002 йил 4 июндаги 197-сон қарори (Ўзбекистон Республикаси ҚТ, 2002 й., 6-сон, 30-модда) 1-бандининг иккинчи хатбоши қуйидаги тахрирда баён қилинсин:

«Белгилансинки, илова қилинаётган рўйхатга кирмаган тадбиркорлик фаолияти турлари билан жисмоний шахслар юридик шахс ташкил этмасдан белгиланган тартибда шуғулланишлари мумкин, қонун ҳужжатларига мувофиқ фаолиятнинг фақат юридик шахслар шуғулланишлари мумкин бўлган айрим турлари бундан мустасно».

**Ўзбекистон Республикасининг Бош вазири Ў. СУЛТОНОВ**

Тошкент ш.,  
2002 йил 22 октябрь,  
363-сон

## ЎЗБЕКИСТОН RESPUBLIKACИ BAZИPЛAP MAХҚAMACИНИНГ ҚАРОРИ

**158** Ўзбекистон Республикаси Вазирлар Маҳкамасининг Ташқи иқтисодий алоқалар комплексини ташкил этиш тўғрисида

Экспорт салоҳиятини кенгайтиришни таъминлаш, мамлакатимиз маҳсулотларининг жаҳон бозорларига кириб боришига кўмаклашиш, республика иқтисодиётига хорижий инвестицияларни жалб этиш учун қулай шарт-шароитлар яратиш, ташқи иқтисодий алоқалар соҳасида бошқарув тизимини янада такомиллаштириш мақсадида Вазирлар Маҳкамаси **қарор қилади:**

1. Вазирлар Маҳкамаси аппарати тузилмасида Ташқи иқтисодий алоқалар комплекси ташкил этилсин.

---

*Ўзбекистон Республикаси Қонун ҳужжатлари тўплами, 2002 й.*



Қуйидагилар Ташқи иқтисодий алоқалар комплексининг асосий вазифалари этиб белгилансин:

ташқи иқтисодий, савдо алоқаларини ривожлантириш ва амалга оширишга доир фаолиятни мувофиқлаштириш ҳамда ташқи иқтисодий фаолиятни тартибга солиш;

ташқи иқтисодий алоқаларнинг аҳволи ҳамда ташқи иқтисодиёт хавфсизлиги устидан давлат назоратини таъминлаш;

экспорт салоҳиятини ривожлантиришга, миллий иқтисодиётнинг рақобатбардошлигини ва унинг жаҳон иқтисодиёти тизимига интеграциялашувини оширишга йўналтирилган чора-тадбирларни мувофиқлаштириш;

қулай инвестиция муҳитини шакллантиришга, иқтисодиётга инвестицияларни жалб қилишни рағбатлантиришга йўналтирилган давлат сиёсатини шакллантириш ва амалга ошириш чора-тадбирларини мувофиқлаштириш;

энг муҳим ташқи иқтисодий, инвестиция ва ташқи савдо шартномалари (битимлар, контрактлар, протоколлар ва бошқалар) тайёрланиши ва амалга оширилиши устидан мунтазам мониторинг олиб борилишини таъминлаш.

2. Вазирлар Маҳкамасининг Ташқи иқтисодий алоқалар ва хорижий инвестициялар департаменти Ташқи иқтисодий алоқалар комплекси таркибига киритилсин ва Комплекснинг ишчи органи этиб белгилансин.

3. Қуйидагилар:

Бош вазир ўринбосари — Ташқи иқтисодий алоқалар комплекси раҳбари аппаратининг ташкилий тузилмаси 1-иловага\* мувофиқ;

Ташқи иқтисодий алоқалар ва хорижий инвестициялар департаментининг тузилмаси 2-иловага мувофиқ;

Вазирлар Маҳкамасининг Ташқи иқтисодий алоқалар ва хорижий инвестициялар департаменти тўғрисидаги Низом 3-иловага мувофиқ тасдиқлансин.

4. Ўзбекистон Республикаси Ҳукуматининг 4-иловага мувофиқ айрим қарорларига ўзгартиришлар киритилсин.

5. Мазкур қарорнинг бажарилишини назорат қилиш Ўзбекистон Республикасининг Бош вазири Ў.Т. Султонов зиммасига юклансин.

**Вазирлар Маҳкамасининг Раиси И. КАРИМОВ**

Тошкент ш.,  
2002 йил 22 октябрь,  
364-сон

---

\* 1-илова берилмайди.

**Ташқи иқтисодий алоқалар ва хорижий инвестициялар департаментининг  
ТУЗИЛМАСИ**



Ходимларнинг умумий сони: 29 киши.

Вазирлар Маҳкамасининг  
2002 йил 22 октябрдаги 364-сон қарорига  
3-ИЛОВА

## **Вазирлар Маҳкамасининг Ташқи иқтисодий алоқалар ва хорижий инвестициялар департаменти тўғрисида НИЗОМ**

### **I. Умумий қоидалар**

1. Ташқи иқтисодий алоқалар ва хорижий инвестициялар департаменти (кейинги ўринларда «Департамент» деб аталади) Ўзбекистон Республикаси Вазирлар Маҳкамаси Ташқи иқтисодий алоқалар комплексининг таркибий бўлинмаси қисобланади.

2. Департамент ўз фаолиятида Ўзбекистон Республикаси қонунларига, Ўзбекистон Республикаси Олий Мажлисининг қарорларига, Ўзбекистон Республикаси Президентининг фармонларига, Вазирлар Маҳкамасининг қарорлари ва фармойишларига, халқаро шартномаларга, шунингдек мазкур Низомга амал қилади.

3. Департамент ўз фаолиятини Ўзбекистон Республикаси Вазирлар Маҳкамасининг Раиси, Бош вазир, Бош вазир ўринбосари — Вазирлар Маҳкамасининг Ташқи иқтисодий алоқалар комплекси раҳбари раҳбарлигида амалга оширади ҳамда бевосита уларга ҳисоб беради, ижро интизомини мустақамлаш масалалари бўйича эса — Вазирлар Маҳкамаси Аппарати Раҳбарига ҳисоб беради.

4. Департамент ўзбек ва инглиз тилларида ёзилган ва Ўзбекистон Республикасининг Давлат герби тасвири туширилган ўз бланкасига эгадир.

### **II. Департаментнинг тузилмаси ва мақоми**

5. Департамент таркибига куйидагилар киради:

Экспорт салоҳиятини кенгайтириш ва импорт ўрнини тўлдириш (ишлаб чиқаришни маҳаллийлаштириш) масалалари гуруҳи;

Халқаро молия ва иқтисодий ташкилотлар билан алоқалар ҳамда Жаҳон савдо ташкилоти билан ҳамкорлик гуруҳи;

Хорижий инвестицияларни жалб этиш ва хорижий инвесторлар билан ишлаш масалалари гуруҳи;

Мустақил Давлатлар Ҳамдўстлиги мамлакатлари билан иқтисодий ҳамкорлик масалалари гуруҳи;

Ташқи иқтисодий алоқаларни ҳуқуқий таъминлаш гуруҳи;

Комплекс тузилмасига кирувчи ташқи савдо ва транспорт акциядорлик компаниялари фаолияти мониторинги гуруҳи;

Экспорт имкониятини ривожлантиришни рағбатлантириш Республика кенгаши котибияти.

Департамент таркибига, шунингдек мустақил юридик шахс бўлган Ўзбекистонда Европа Иттифоқи Комиссиясининг техникавий ёрдамни мувофиқлаштириш Бюроси («ЎЗбюроКЕС») ҳам киради.

6. Департамент ишларига, мақомига кўра Ўзбекистон Республикаси вазирининг биринчи ўринбосарига тенглаштирилган Департамент бошлиғи раҳбарлик қилади.

7. Департамент бўлинмалари ишини Ўзбекистон Республикаси вазирининг ўринбосарига тенглаштирилган гуруҳ раҳбарлари бошқаради.

8. Департамент бошлиғи ва бўлинмалар раҳбарлари Ўзбекистон Республикаси

Вазирлар Маҳкамасининг қарори билан лавозимга тайинланади ва лавозимдан озод қилинади.

### III. Департаментнинг асосий вазифалари

9. Қуйидагилар Департаментнинг асосий вазифалари ҳисобланади:

а) экспорт имкониятини кенгайтириш ва импортнинг ўрнини тўлдириш (ишлаб чиқаришни маҳаллийлаштириш) соҳасида:

вазирликлар, идоралар ва мулкчилик шаклларида қатъи назар, хўжалик бирлашмалари, маҳаллий бошқарув органларининг республиканинг экспорт салоҳиятини ривожлантириш дастурларини ишлаб чиқиш ва амалга ошириш бўйича фаолиятини мувофиқлаштириш;

жаҳон товар бозорларининг комплекс маркетинг тадқиқотларини ўтказиш ва экспорт таркибини янада такомиллаштиришга доир таклифлар тайёрлаш бўйича ишларни мувофиқлаштириш;

Ўзбекистон Республикаси Ташқи иқтисодий алоқалар агентлиги, Макроиқтисодиёт ва статистика вазирлиги ҳамда Давлат божхона қўмитаси билан биргаликда товарлар (ишлар, хизматлар) экспортининг ҳар йилги прогнозларини шакллантириш ва уларнинг бажарилишини назорат қилиш;

экспорт маҳсулотлари миқдорини кўпайтириш ва турларини кенгайтириш бўйича потенциал имкониятларни таҳлил қилиш ва чора-тадбирларни амалга ошириш;

ташқи иқтисодий фаолиятни янада эркинлаштиришга доир таклифлар тайёрлаш;

хом ашё, материаллар ва бутловчи буюмлар айрим турлари импортининг ўрнини қоплаш тармоқ дастурларини шакллантиришга доир ишларни ташкил этиш;

ишлаб чиқаришни маҳаллийлаштириш дастурларини шакллантириш ишларини мувофиқлаштириш ва уларнинг амалга оширилиши мониторингини олиб бориш;

республика вазирликлари ва идораларининг хорижий мамлакатлар билан ҳарбий-техникавий ҳамкорлик дастурларини амалга оширишга доир фаолиятини мувофиқлаштириш;

б) халқаро молия ва иқтисодий ташкилотлар, Жаҳон савдо ташкилоти билан ҳамкорлик соҳасида:

Ўзбекистон Республикасининг халқаро молия ва иқтисодиёт ташкилотлари билан алоқаларини ривожлантириш ва мустаҳкамлаш бўйича ҳамкорлик стратегиясини ишлаб чиқишда қатнашиш ва чора-тадбирларни амалга ошириш;

Жаҳон савдо ташкилотига кириш бўйича стратегияни ишлаб чиқиш ва амалга ошириш;

давлат бошқарув органларининг Жаҳон савдо ташкилотига кириш масалалари бўйича ишларини мувофиқлаштириш;

халқаро молия ва иқтисодиёт ташкилотларининг имтиёзли кредитлари ва грантларини, техникавий кўмаклашиш воситаларини мамлакатни ижтимоий-иқтисодий ривожлантиришнинг устувор йўналишлари ва дастурларини амалга ошириш учун жалб этиш ишларини мувофиқлаштириш;

Ўзбекистон Республикасининг донор мамлакатлар билан молиявий ва техникавий ҳамкорлиги дастурлари мониторингини олиб бориш;

ваколатли тижорат банкларининг халқаро молия институтлари маблағларини Ўзбекистон Республикасини ижтимоий-иқтисодий ривожлантиришнинг устувор вазифаларини амалга оширишга жалб этишга доир ишларини мувофиқлаштириш;

в) хорижий инвестицияларни жалб этиш ва хорижий инвесторлар билан ишлаш соҳасида:

хорижий инвестицияларни жалб этиш соҳасида давлат сиёсатини шакллантиришда қатнашиш;

Ўзбекистон Республикасида қулай инвестиция муҳитининг аҳволини таҳлил қилиш ва уни янада такомиллаштириш бўйича таклифлар тайёрлаш;

хорижий инвесторлар билан инвестиция шартномалари тузилиши ва уларнинг шартларига ҳамда энг муҳим лойиҳаларнинг техник-иқтисодий асослаш параметрларига риоя қилиниши мониторингини амалга ошириш;

потенциал инвесторларни Ўзбекистон Республикасида инвестиция муҳити тўғрисидаги ахборотлар билан таъминлаш ишларини мувофиқлаштириш;

хорижий кредитлар ва бевосита инвестицияларни инвестиция дастурлари ҳамда устувор лойиҳаларни амалга ошириш учун жалб этиш бўйича комплекс чора-тадбирларни ишлаб чиқиш ва рўёбга чиқариш;

вазирликлар, идоралар ва маҳаллий бошқарув органларига хорижий инвестициялар иштирокидаги корхоналар ташкил этишда ва уларнинг фаолиятини йўлга қўйишда қўмаклашиш;

Ўзбекистон Республикасининг инвестиция дастурига киритилган хорижий инвестициялар иштирокидаги корхоналар лойиҳалари рўйхатини шакллантиришда ва мазкур лойиҳаларнинг амалга оширилиши устидан мониторинг ташкил этишда қатнашиш;

Вазирлар Маҳкамаси котибиятлари ва Департаментлари билан биргаликда Ўзбекистон Республикаси Ҳукумати кафолати остида амалга ошириладиган энг йирик ва стратегик жиҳатдан муҳим инвестиция лойиҳаларининг техник-иқтисодий асослашларини, маблағ билан таъминлаш схемаларини кўриб чиқиш ва экспертизадан ўтказилишини ташкил этиш;

г) Мустақил Давлатлар Ҳамдўстлиги мамлакатлари билан ҳамкорлик соҳасида; МДХ мамлакатлари билан давлатлараро муносабатларни ривожлантириш ва мустаҳкамлаш бўйича таклифлар тайёрлаш;

Ташқи иқтисодий алоқалар агентлиги билан биргаликда МДХ мамлакатлари билан икки томонлама иқтисодий ҳамкорлик шартномалари ва битимларини тайёрлаш ҳамда уларнинг амалга оширилишини назорат қилиш ишларини мувофиқлаштириш;

вазирликлар ва идораларнинг минтақавий ҳамкорлик соҳасидаги битимларнинг МДХ доирасида бажариш масалаларидаги ўзаро ҳамкорлигини таъминлаш;

МДХга аъзо давлатлар иштирокида иқтисодий гуруҳлар билан ҳамкорлик соҳасида ягона сиёсатни шакллантириш бўйича таклифлар ишлаб чиқиш;

д) ташқи иқтисодий алоқаларни ҳуқуқий таъминлаш соҳасида:

ташқи иқтисодий алоқаларнинг, хорижий инвестицияларни жалб этишнинг норматив-ҳуқуқий базасини янада такомиллаштириш, хорижий инвестициялар иштирокидаги корхоналарни ва уларнинг фаолиятини ташкил этиш, хорижий инвесторлар ҳуқуқларини ҳимоя қилиш бўйича ишларни мувофиқлаштириш;

энг муҳим инвестиция лойиҳалари бўйича шартномалар (контрактлар, битимлар)нинг ҳуқуқий экспертизасини ўтказишни мувофиқлаштириш;

энг муҳим ташқи иқтисодий, инвестиция, ташқи савдо шартномалари (битимлари, контрактлари, протоколлари ва бошқалар)ни тайёрлаш, тузиш ва амалга ошириш жараёнларини ҳуқуқий таъминлаш ҳамда энг муҳим инвестиция лойиҳаларини амалга ошириш барча босқичларининг мунтазам мониторингини ташкил этиш;

Ўзбекистон Республикаси вазирликлари, идоралари ҳамда хўжалик юритувчи субъектлари томонидан имзоланган икки томонлама ва кўп томонлама идоралараро битимларнинг бажарилиши мониторингини амалга ошириш;

е) Комплекс таркибига кирувчи ташқи савдо ва транспорт акциядорлик компаниялари фаолияти мониторинги соҳасида:

ташқи савдо ва транспорт акциядорлик компаниялари фаолияти устидан назоратни таъминлаш;

ташқи савдо ва транспорт акциядорлик компаниялари томонидан давлат экспорт дастурлари ва импорт бўйича топшириқларнинг амалга оширилиши мониторингини олиб бориш, улар томонидан амалга ошириладиган энг йирик контрактлар самарадорлигини баҳолаш.

#### IV. Департаментнинг асосий функциялари

10. Департамент ўз зиммасига юкланган вазифаларга мувофиқ қуйидаги функцияларни бажаради:

Департаментнинг юритишига тегишли масалалар бўйича Ўзбекистон Республикаси Президентининг фармонлари ва Ҳукумат қарорлари, шунингдек Вазирлар Маҳкамаси раҳбариятининг топшириқлари бажарилишини назорат қилиш;

а) экспорт имкониятини кенгайтириш ва импортнинг ўрнини тўлдириш (ишлаб чиқаришни маҳаллийлаштириш) соҳасида:

манфаатдор вазирликлар ва идоралар билан биргаликда товарлар (ишлар, хизматлар) экспорти ҳажмини кўпайтириш ва уларнинг турларини кенгайтириш бўйича экспорт қилувчи корхоналарни рағбатлантириш юзасидан таклифлар тайёрлаш;

Ўзбекистон Республикаси Ташқи иқтисодий алоқалар агентлиги, Макроиқтисодиёт ва статистика вазирлиги, Давлат божхона қўмитаси, бошқа манфаатдор вазирликлар ва идоралар билан биргаликда товарлар (ишлар, хизматлар) экспорти прогностини ишлаб чиқиш ва унинг бўйича Вазирлар Маҳкамаси қарорини тайёрлаш;

импортнинг ўрнини тўлдириш ва маҳаллий хом ашё негизида ишлаб чиқаришни маҳаллийлаштириш дастурларини ишлаб чиқиш, шакллантириш ва амалга ошириш юзасидан вазирликлар, идоралар, давлат ва хўжалик бошқаруви органларининг ишларини мувофиқлаштириш;

Ўзбекистон Республикаси Қурулли Кучларини, мамлакат корхоналари ва ташкилотларини ҳарбий-техник мол-мулк ва махсус технологиялар билан жиҳозлаш масалалари бўйича Вазирлар Маҳкамаси фаолиятини ташкилий-техник жиҳатдан таъминлаш;

б) халқаро молия ва иқтисодий ташкилотлар, Жаҳон савдо ташкилоти билан ҳамкорлик соҳасида:

Ўзбекистон Республикасининг халқаро молия ва иқтисодий ташкилотлар билан ҳамкорлиги, шунингдек ҳам қарз олинган, ҳам қарз олинмаган операцияларни кенгайтириш стратегиясини ишлаб чиқишда қатнашиш;

халқаро молия ва иқтисодий ташкилотлар билан ҳамкорликнинг устувор йўналишлари, техник кўмаклашиш воситаларини жалб этиш бўйича таклифлар тайёрлаш ҳамда Ўзбекистон Республикасининг халқаро молия ва иқтисодий ташкилотлар ва донор мамлакатлар билан молиявий ва техник ҳамкорлиги дастурлари мониторингини олиб бориш;

Макроиқтисодиёт ва статистика вазирлиги, Молия вазирлиги, Марказий банк ҳамда Ташқи иқтисодий алоқалар агентлиги билан биргаликда халқаро молия ва иқтисодий ташкилотлар билан битимлар лойиҳаларини тайёрлаш, шунингдек имзоланган битимлар бажарилишини назорат қилиш;

халқаро молия ва иқтисодий ташкилотлар иштирокида ишлаб чиқиладиган ва амалга ошириладиган лойиҳалар мониторингини олиб бориш;

халқаро молия ва иқтисодий ташкилотларнинг Ўзбекистон Республикасидаги ваколатхоналари фаолиятига кўмаклашиш, уларга зарур иқтисодий ахборотларни, шу

жумладан махфий тусдаги ахборотларни тайёрлаш ва тақдим этиш ишларини мувофиқлаштириш;

Жаҳон савдо ташкилоти билан ҳамкорлик қилиш жараёнини ташкил этиш ва Жаҳон савдо ташкилотига кириш бўйича Идоралараро комиссия котибияти функцияларини бажариш;

республика вазирликлари, идоралари ва ташкилотларининг маблағ билан таъминлаш ва суғурталашни ташкил этиш юзасидан халқаро молия институтлари, хорижий мамлакатларнинг экспорт-кредит агентликлари билан ўзаро ҳамкорлигини мувофиқлаштириш;

в) хорижий инвестицияларни жалб этиш ва хорижий инвесторлар билан ишлаш соҳасида:

хорижий давлатларнинг сиёсий ва ишбилармон доиралари, халқаро молия-иқтисодий институтлар ва хорижий банкларнинг республикадаги инвестиция муҳити ва амалга оширилишида хорижий инвесторлар қатнашиши мумкин бўлган лойиҳалар тўғрисида кенг хабардор қилинишини ташкил этиш;

халқаро ташкилотларнинг техник-иқтисодий асослаш ишлаб чиқилишига мўлжалланган ва хорижий инвестициялар иштирокидаги инвестиция лойиҳалари амалга оширилишига кредитлари ва техник ёрдамидан самарали фойдаланилишини таъминлаш;

Вазирлар Маҳкамасининг Комплекслари котибиятлари ва Департаментлари кўмагида, хорижий инвестициялар жалб этилган ҳолда амалга ошириладиган айрим инвестиция лойиҳалари бўйича Ҳукумат қарорлари тайёрланиши, қабул қилиниши ва уларнинг ижро этилиши назорат қилиниши жараёнини таъминлаш;

Ўзбекистон Республикаси Давлат мулки қўмитаси, Макроиқтисодиёт ва статистика вазирлиги ва Ташқи иқтисодий алоқалар агентлиги ҳузурида ташкил этиладиган хорижий инвестициялар жалб этилишини ахборот билан таъминлаш бўйича махсус гуруҳлар фаолиятини мувофиқлаштириш;

хорижий инвестициялар иштирокидаги корхоналар фаолиятининг ташкилий масалалари ўз вақтида ҳал этилиши мониторингини олиб бориш;

хорижий инвестицияларни жалб қилиш ва хорижий инвесторлар билан ишлаш масалаларида «Ўзинвестлоиҳа» республика инжиниринг компанияси, Хорижий инвестициялар бўйича агентлик ва инвестиция жараёнининг бошқа қатнашчилари фаолиятини мувофиқлаштириш;

г) Мустақил Давлатлар Ҳамдўстлиги мамлакатлари билан иқтисодий ҳамкорлик соҳасида:

Мустақил Давлатлар Ҳамдўстлиги мамлакатлари иқтисодиёти ривожланишининг аҳволини ва уларда иқтисодий ислохотларнинг боришини таҳлил қилиш ҳамда улар билан иқтисодий ҳамкорлик қилиш стратегиясининг асосий йўналишлари бўйича таклифлар тайёрлаш;

Вазирлар Маҳкамаси Комплекси котибиятлари ва Департаментлари билан бирга Мустақил Давлатлар Ҳамдўстлиги мамлакатлари билан икки томонлама ҳамкорлик шартномалари ва битимлари тайёрлаш ҳамда уларнинг амалга оширилишини назорат қилиш ишларини мувофиқлаштириш;

Ўзбекистон Республикаси вазирликлари, идоралари ва хўжалик юритувчи субъектлари Мустақил Давлатлар Ҳамдўстлиги мамлакатлари субъектлари билан имзолаган икки томонлама ва кўп томонлама идоралараро битимларнинг бажарилишини назорат қилиш.

д) ташқи иқтисодий алоқаларни ҳуқуқий таъминлаш соҳасида:

ташқи иқтисодий фаолиятнинг норматив-ҳуқуқий базасини такомиллаштириш ишларини мувофиқлаштириш ва улар бўйича таклифлар тайёрлаш;



ташқи иқтисодий алоқалар, хорижий инвестицияларни жалб этиш соҳасидаги норматив ҳуқуқий амалиётни ва хорижий инвестициялар иштирокидаги корхоналарнинг мавқеини ҳуқуқий таҳлил қилиш;

ташқи иқтисодий алоқаларни ривожлантиришга, хорижий инвестицияларни жалб этишни рағбатлантиришга, хорижий инвестициялар иштирокидаги корхоналар фаолиятига, хорижий инвесторлар ҳуқуқларини ҳимоя қилишга йўналтирилган норматив ҳужжатлар лойиҳаларини ишлаб чиқишда қатнашиш;

энг муҳим ташқи иқтисодий, инвестиция, ташқи савдо шартномалари (битимлари, контрактлари, протоколлари ва бошқалар)нинг ҳуқуқий экспертизасини ўтказиш ҳамда энг муҳим инвестиция лойиҳаларини амалга оширишнинг барча босқичларида мунтазам мониторингни ташкил этиш;

е) Комплекс таркибига кирувчи ташқи савдо ва транспорт акциядорлик компаниялари фаолияти мониторингини олиб бориш соҳасида;

ташқи савдо ва транспорт акциядорлик компаниялари фаолияти самарадорлигини таҳлил қилиш ҳамда уни ошириш чора-тадбирларини ишлаб чиқиш;

ташқи савдо ва транспорт компаниялари фаолиятини мувофиқлаштириш ҳамда уларнинг келишилган савдо ва маркетинг сиёсатини ишлаб чиқиш;

акциядорлик компаниялари учун давлат экспорт дастурларини ва импорт бўйича топшириқларни шакллантиришда қатнашиш;

стратегик товар позициялари бўйича энг йирик контрактларнинг амалга оширилиши самарадорлигини баҳолаш.

## **V. Департаментнинг ҳуқуқ ва мажбуриятлари**

11. Департамент қуйидаги ҳуқуқларга эга:

Вазирлар Мақкамаси Комплекслари котибиятлари, бўлимлари ва Департаментларидан, вазирликлар, идоралар, корпорациялар, уюшмалар, бирлашмалар, корхоналардан, шунингдек барча даражалардаги давлат бошқаруви органларидан Департамент ваколатига кирувчи масалалар бўйича материалларни сўраб олиш;

хорижий инвестицияларни жалб қилиш, ташқи иқтисодий алоқалар масалалари бўйича Ўзбекистон Республикаси Макроиқтисодиёт ва статистика вазирлиги, Ташқи иқтисодий алоқалар агентлиги, Молия вазирлиги, Давлат мулки қўмитаси, барча даражалардаги давлат ва хўжалик бошқаруви органларининг, шунингдек давлат-тижорат банкларининг ҳисоботларини эшитиш ва ўз ваколатлари доирасида уларга топшириқлар бериш;

ташқи иқтисодий алоқалар соҳасидаги энг муқим муаммоларни маслаҳатлашиш, ўрганиш ва ҳал этиш, ушбу соҳада таклифлар тайёрлаш учун вақтинчалик ишчи гуруҳлар тузиш учун Ўзбекистон Республикаси олимлари ва мутахассисларини, шунингдек хорижий экспертларни жалб қилиш;

молиявий ва техник қўмаклашиш юзасидан халқаро молия ва иқтисодий ташкилотларга ва хорижий агентликларга сўровлар бериш;

халқаро ҳамкорлик масалалари бўйича халқаро конференциялар, конгресслар, симпозиумлар ва кенгашлар ишида, давлатлараро ва ҳукуматлараро ҳамкорлик масалаларига доир музокараларда Вазирлар Мақкамасининг Ташқи иқтисодий алоқалар комплекси раҳбари билан келишилган ҳолда қатнашиш;

вазирликлар ва идоралар раҳбарлари иштирокида кенгашлар ўтказиш, уларнинг хайъатлари ишида, Вазирлар Мақкамаси, ижроия ҳокимият маҳаллий органлари мажлисларида, вазирликлар, идоралар, корпорациялар, уюшмалар ва корхоналардаги кенгашларда қатнашиш;



Ўзбекистон Республикаси қонунчилигини ташқи иқтисодий ва инвестиция фаолияти юзасидан такомиллаштиришга доир таклифлар киритиш;

Ўзбекистон Республикаси вазирликлари ва идорлари билан, шунингдек ўзаро ҳамкорлик масалалари бўйича халқаро, хорижий, молиявий ва иқтисодий ташкилотлар билан мустақил равишда ёзишмалар олиб бориш;

ўз ваколатлари доирасида Ўзбекистон Республикаси вазирликлари ва идоралари ахборотларидан ва маълумотлар электрон базаларидан фойдаланиш;

«Ўзмахсусимпэкс» давлат корхонаси орқали давлат харидлари портфелини шакллантиришда Ўзбекистон Республикасининг ҳарбийлаштирилган тузилмаларидан ҳарбий-техник мол-мулкка ва махсус технологияларга бўлган эҳтиёж тўғрисида ахборотларни белгиланган тартибда сўраб олиш.

12. Департамент қуйидагиларга мажбур:

хорижий инвестициялар жалб қилинган инвестиция лойиҳалари амалга оширилиши самарадорлиги мониторинги натижаларини, товарлар (хизматлар) экспорти ва импортнинг йиллик ва узоқ муддатли прогнозларини, импортнинг ўрнини тўлдириш ва ишлаб чиқаришни маҳаллийлаштириш дастурлари бажарилишини, шунингдек Вазирлар Маҳкамасининг тегишли қарорлари ва Ўзбекистон Республикаси Президентининг фармонлари бажарилиши бўйича ҳисоботларни Вазирлар Маҳкамаси раҳбарияти кўриб чиқиши учун тақдим этиш;

вазирликлар ва идоралар томонидан Ўзбекистон Республикаси Президенти фармонларининг, Вазирлар Маҳкамаси қарорларининг ташқи иқтисодий алоқалар ва хорижий инвестициялар жалб қилинган инвестиция лойиҳалари амалга оширилиши юзасидан бажарилишини амалий назорат қилиш;

молиявий ва иқтисодий ташкилотларнинг, хорижий ҳукумат муассасаларининг ва йирик инвесторларнинг ўзаро ҳамкорлик қилиш тўғрисидаги таклифларини ишлаб чиқиш.

13. Департамент ўзи қабул қилган қарорлар учун амалдаги қонун ҳужжатлари ва мазкур Низомда белгиланган ўз ваколатлари доирасида жавоб беради.

Вазирлар Маҳкамасининг  
2002 йил 22 октябрдаги 364-сон қарорига  
4-ИЛОВА

### **Ўзбекистон Республикаси Ҳукуматининг ўзгартиришлар киритилаётган қарорлари рўйхати**

1. Ўзбекистон Республикаси Вазирлар Маҳкамасининг «Ўзбекистон Республикаси Вазирлар Маҳкамасининг Ташқи иқтисодий алоқалар ва хорижий инвестициялар департаментини ташкил этиш тўғрисида» 2001 йил 5 мартдаги 112-сон қарори 3-бандининг биринчи хатбоши чиқариб ташлансин.

2. Ўзбекистон Республикаси Вазирлар Маҳкамасининг «Ўзбекистон Республикаси Вазирлар Маҳкамаси аппаратининг тузилмасини қисман ўзгартириш тўғрисида» 2001 йил 29 сентябрдаги 395-сон қарорида:

1-иловада I бобнинг 4-банди, II бобнинг 2-банди, III бобнинг иккинчи ва олтинчи хатбоши чиқариб ташлансин;

2-иловада I боб 5-бандининг иккинчи хатбоши чиқариб ташлансин.

3. Ўзбекистон Республикаси Вазирлар Маҳкамасининг «Ўзбекистон Республикаси Вазирлар Маҳкамаси комплекслари раҳбарияти тузилмасига ўзгартиришлар киритиш тўғрисида» 2000 йил 5 августдаги 310-сон қарорига 2-иловада «Ўзбекинвест» сўзи чиқариб ташлансин.

## ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

**159 Ўзбекистон Республикаси Ташқи иқтисодий алоқалар агентлиги фаолиятини ташкил этиш тўғрисида**

Ўзбекистон Республикаси Президентининг «Ташқи иқтисодий алоқалар соҳасида бошқарув тизимини янада эркинлаштириш ва такомиллаштириш тўғрисида» 2002 йил 21 октябрдаги ПФ-3151-сон Фармониغا мувофиқ ҳамда ташқи савдо алоқаларини ва иқтисодий алоқаларни ташкил этишнинг самарали тизимини таъминлаш мақсадида Вазирлар Маҳкамаси **қарор қилади:**

1. Қуйидагилар:

Ўзбекистон Республикаси Ташқи иқтисодий алоқалар агентлиги ва унинг марказий аппарати тузилмаси 1\*, 1-а ва 2-иловаларга мувофиқ;

Ташқи иқтисодий алоқалар агентлиги тўғрисидаги Низом 3-иловага мувофиқ;

Қорақалпоғистон Республикаси Ташқи иқтисодий алоқалар агентлигининг тузилмаси ҳамда вилоятлар ва Тошкент шаҳар Ташқи иқтисодий алоқалар бошқармалари намунавий тузилмаси 4 ва 4-а-иловаларга\* мувофиқ тасдиқлансин.

2. Ташқи иқтисодий алоқалар агентлиги марказий аппарати ходимларининг чекланган сони (хизмат кўрсатувчи ходимлардан ташқари) 174 кишидан ҳамда унинг ҳудудий бўлинмалари ходимларининг чекланган сони 75 кишидан иборат этиб белгилансин.

Ўзбекистон Республикаси Ташқи иқтисодий алоқалар агентлиги раисига ходимларнинг белгиланган чекланган сони доирасида бошқарув тузилмасига ўзгартиришлар киритиш ҳуқуқи берилсин.

3. Ташқи иқтисодий алоқалар агентлигида раиснинг тўрт нафар ўринбосари, шу жумладан бир нафар биринчи ўринбосари ҳамда шахсий таркиби Ўзбекистон Республикаси Вазирлар Маҳкамаси томонидан тасдиқланадиган 11 кишидан иборат ҳайъат бўлишига рухсат этилсин.

Ташқи иқтисодий алоқалар агентлиги раиси мақомига кўра вазирга, Раиснинг биринчи ўринбосари ва ўринбосарлари тегишли равишда вазирнинг биринчи ўринбосарига ва ўринбосарига тенглаштирилсин.

4. Белгилансинки, Агентликнинг ўз ваколатлари доирасида қабул қилган қарорлари вазирликлар, идоралар, маҳаллий ҳокимият ва бошқарув органлари, муассасалар ва ташкилотлар, мулкчилик шаклларида қатъи назар, хўжалик юритувчи субъектлар ва уларнинг бирлашмалари, мансабдор шахслар ва фуқаролар томонидан бажарилиши мажбурий ҳисобланади.

5. Белгилаб қўйилсинки:

Қорақалпоғистон Республикаси Ташқи иқтисодий алоқалар агентлиги, Агентликнинг минтақавий бошқармалари Агентлик вазифалари ва функцияларини жойларда амалга оширадиган ҳамда ўз фаолиятини Ўзбекистон Республикаси Ташқи иқтисодий алоқалар агентлиги раҳбарлигида олиб борадилар;

Ташқи иқтисодий алоқалар агентлиги минтақавий бошқармаларининг раҳбарлари мақомига кўра вилоятлар ва Тошкент шаҳар ҳокимларининг ўринбосарлари ҳисобланади.

6. «Инновация» давлат ташқи савдо акциядорлик компанияси «Ўзинтеримпэкс» давлат ташқи савдо акциядорлик компаниясига айлантирилсин, унга деҳқон ва фермер хўжаликлари, кичик ва ўрта бизнес корхоналари маҳсулотларини экспорт қилишни ташкил этиш функцияси юклансин.

\* 1, 4, 4а иловалар берилмайди.

7. Белгилансинки, «Ўзмарказимпэкс» давлат ташқи савдо акциядорлик компанияси, «Ўзсаноатмашимпекс» давлат ташқи савдо акциядорлик компанияси, «Марказсаноат-экспорт» давлат ташқи савдо акциядорлик компанияси, «Ўзинтеримпекс» давлат ташқи савдо акциядорлик компанияси, «Ўзташқитранс» давлат-акциядорлик транспорт-экспедиторлик компанияси, «Ўрта Осие Транс» халқаро автотранспортда юк ташиш давлат-акциядорлик компанияси:

Ўз фаолиятини харажатларини ўзи қоплаш ва хўжалик ҳисоби асосида амалга оширувчи мустақил хўжалик юритувчи субъектлар ҳисобланади;

«Туркэксимбанк»нинг Халқаро савдо-кўرғазма комплекси қурилишига кредитларни қоплаш бўйича мажбуриятларнинг ҳуқуқий ворислари ҳисобланади.

Ўзбекистон Республикаси Ташқи иқтисодий алоқалар агентлиги кўрсатиб ўтилган акциядорлик компанияларининг давлатга тегишли акциялар пакетини бошқаришга вакил қилинсин.

8. Белгилансинки, Ташқи иқтисодий алоқалар агентлигининг марказий аппарати ва ҳудудий органлари таъминоти харажатларини маблағ билан таъминлаш давлат бюджети маблағлари, шунингдек ўзига қарашли ташкилотлар ажратмалари, хўжалик фаолиятдан тушумлар ва бошқа манбалар ҳисобига амалга оширилади.

9. Агентлик ҳузурида Ташқи иқтисодий фаолиятнинг ахборот таъминотини ташкил этиш ва ташқи бозорлар маркетинг тадқиқотлари жамғармаси ташкил этилсин.

Қуйидагилар Жамғармани шакллантириш манбалари этиб белгилансин:

Ўзбекистон Республикаси ҳудудида хорижий тижорат ташкилотлари ваколатхоналарини аккредитация қилганлик учун, қонун ҳужжатларида белгиланган ҳолларда лицензия, рухсатнома берганлик, товарлар келиб чиқишига сертификат берганлик, экспорт-импорт контрактларини дастлабки экспертизадан ўтказганлик, хўжалик юритувчи субъектлар буюртманомасига кўра техник-иқтисодий асослашларни экспертизадан ўтказганлик, форс-мажор вазиятлар юзага келганлигига оид гувоҳнома берганлик, ахборот тусидаги маълумотлар берганлик учун йиғимлар;

хўжалик юритувчи субъектлар учун ташқи бозорларнинг маркетинг тадқиқотларини ташкил этганлик, хўжалик юритувчи субъектларга ташқи иқтисодий фаолият соҳасида ахборот-таҳлилий маълумотлар берганлик, ташқи иқтисодий фаолият қатнашчиларига маслаҳат кўмаги, расмий таржималарни амалга оширганлик, протоколга оид тадбирларни ташкил этганлик ва уларга хизмат кўрсатганлик учун тўловлар;

Агентлик муассиси бўлган хўжалик юритувчи субъектлар фойдасидан дивидендлар.

Ўзбекистон Республикаси Молия вазирлиги Агентлик билан биргаликда икки ҳафта муддатда Жамғарма маблағларини шакллантириш ва улардан фойдаланиш тартиби тўғрисидаги низомни ишлаб чиқсин ва белгиланган тартибда тасдиқласин.

10. Ўзбекистон Республикаси Молия вазирлиги:

хар йили республика бюджетини шакллантиришда Ташқи иқтисодий алоқалар агентлиги, унинг ҳудудий органлари таъминотига ва уларнинг моддий-техника базасини мустақамлашга зарур маблағларни назарда тутсин;

Ташқи иқтисодий алоқалар агентлиги, Қорақалпоғистон Республикаси Ташқи иқтисодий алоқалар агентлиги ва Агентликнинг минтақавий бўлинмалари учун енгил автомобиллар харажатларига амалдаги лимитларни сақлаб қолсин.

11. Ўзбекистон Республикаси Ҳукуматининг 5-иловага мувофиқ қарорлари ўз кучини йўқотган деб ҳисоблансин.

Ўзбекистон Республикаси Адлия вазирлиги Ташқи иқтисодий алоқалар агентлиги билан биргаликда амалдаги қонун ҳужжатларига мазкур қарордан келиб чиқувчи ўзгартиришлар ва қўшимчалар тўғрисида Вазирлар Маҳкамасига бир ой муддатда таклифлар киритсин.


12. Мазкур қарорнинг бажарилишини назорат қилиш Ўзбекистон Республикасининг Бош вазири Ў.Т. Султонов зиммасига юклансин.

**Вазирлар Маҳкамасининг Раиси И. КАРИМОВ**


Тошкент ш.,  
2002 йил 23 октябрь,  
368-сон

Вазирлар Маҳкамасининг  
2002 йил 23 октябрдаги 368-сон қарорига  
1а-ИЛОВА

**Ўзбекистон Республикаси Ташқи иқтисодий  
алоқалар агентлиги тизими  
ТУЗИЛМАСИ**



**Ўзбекистон Республикаси Ташқи иқтисодий алоқалар агентлиги марказий аппаратининг  
ТУЗИЛМАСИ**



Вазирлар Маҳкамасининг  
2002 йил 23 октябрдаги 368-сон қарорига  
3-ИЛОВА

**Ўзбекистон Республикаси Ташқи иқтисодий алоқалар  
агентлиги тўғрисида  
НИЗОМ**

**I. Умумий қоидалар**

1. Ўзбекистон Республикаси Ташқи иқтисодий алоқалар агентлиги (кейинги ўринларда «Агентлик» деб аталади) ташқи иқтисодий фаолиятни тартибга солиш соҳасидаги давлат бошқаруви ваколатли органи ҳисобланади ҳамда ўз фаолиятида Ўзбекистон Республикаси Вазирлар Маҳкамасига ҳисоб беради.

2. Агентлик ўз фаолиятида Ўзбекистон Республикаси Конституциясига, Ўзбекистон Республикаси қонунларига, Ўзбекистон Республикаси Олий Мажлисининг қарорларига, Ўзбекистон Республикаси Президентининг фармонлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, Ўзбекистон Республикасининг бошқа норматив ҳужжатларига, Ўзбекистон Республикаси халқаро шартномаларига, шунингдек мазкур Низомга амал қилади.

3. Ўзбекистон Республикаси вазирликлари, идоралари ва ташкилотлари ташқи иқтисодий алоқалар ривожланишига таъсир кўрсатувчи таклифлар, қарорларни ҳамда норматив ҳужжатлар лойиҳаларини ишлаб чиқишда уларни олдиндан Агентлик билан келишиб оладилар.

4. Агентликнинг ўз ваколатлари доирасида қабул қилинадиган қарорлари вазирликлар, давлат қўмиталари, идоралар, жойлардаги давлат ҳокимияти ва бошқарув органлари, ташкилотлар, шунингдек фуқаролар томонидан бажарилиши мажбурий ҳисобланади.

5. Ўзбекистон Республикаси Ташқи иқтисодий алоқалар агентлиги тизимига Қорақалпоғистон Республикаси Ташқи иқтисодий алоқалар агентлиги, вилоятлар ва Тошкент шаҳар Ташқи иқтисодий алоқалар бошқармалари, ихтисослаштирилган ҳужалик ҳисобидаги ташкилотлар, хорижий давлатлардаги Агентликка қарашли ташкилотлар бўлган савдо ва иқтисодий ваколатхоналар киради.

Агентлик шунингдек, ўзининг вазифалари ва функцияларини бажаришга ҳамда ташқи иқтисодий алоқаларни ривожлантиришга кўмаклашувчи корхоналарга умумий ва методик раҳбарликни амалга оширади.

6. Агентлик юридик шахс ҳисобланади, банкларда ҳисоб рақамларига, Ўзбекистон Республикаси Давлат герби тасвири туширилган ва ўз номи ёзилган муҳрга эга бўлади.

**II. Агентликнинг асосий вазифалари ва функциялари**

7. Қуйидагилар Агентликнинг асосий вазифалари ҳисобланади:  
ташқи иқтисодий фаолият соҳасида ягона давлат сиёсати ўтказилишини таъминлаш ва уни ривожлантириш стратегиясини шакллантиришда қатнашиш;

миллий иқтисодиётнинг рақобатбардошлилигини ривожлантириш ва ошириш ҳамда уни жаҳон иқтисодиёти тизимига интеграциялаш бўйича шарт-шароитлар яратиш ва чора-тадбирларни амалга ошириш;

республиканинг экспорт салоҳиятини ривожлантириш дастурларини амалга оширишда кўмаклашиш;

---

*Ўзбекистон Республикаси Қонун ҳужжатлари тўплами, 2002 й.*

мамлакатимиз ишлаб чиқарувчилари товарларининг ташқи бозорларга кириб бориши учун қулай шарт-шароитларни таъминлаш бўйича комплекс чора-тадбирларни амалга ошириш;

хорижий инвестицияларни жалб этиш соҳасида давлат сиёсати амалга оширилишини таъминлаш;

ташқи иқтисодий фаолиятни тартибга солиш бўйича чора-тадбирлар комплексини амалга ошириш;

Ўзбекистон Республикасининг хорижий давлатлар, халқаро иқтисодиёт ва молия институтлари, бошқа халқаро ҳуқуқ субъектлари билан савдо-иқтисодий ва молиявий ҳамкорлигини ривожлантиришни таъминлаш;

Ўзбекистон Республикасининг ташқи иқтисодий хавфсизлигини ва иқтисодий манфаатлари, Ўзбекистон Республикаси ташқи иқтисодий фаолият субъектларининг ҳуқуқлари ва манфаатлари ҳимоя қилинишини таъминлаш;

ташқи иқтисодий фаолият соҳасида кадрларни тайёрлаш ва уларнинг малакасини ошириш тадбирларини ташкил этиш.

Ташқи иқтисодий алоқалар агентлиги Ўзбекистон Республикаси Вазирлар Маҳкамаси томонидан юкланадиган ва қонун ҳужжатларига мувофиқ бошқа вазифаларни ҳам амалга оширади.

8. Агентлик ўзига юкланган вазифаларга мувофиқ қуйидаги функцияларни амалга оширади:

а) ягона давлат ташқи иқтисодий сиёсати ўтказилишини таъминлаш соҳасида: камситмаслик принципларига асосланган ташқи иқтисодий сиёсатни эркин ва тенг ҳуқуқли амалга ошириш учун шарт-шароитлар яратади;

давлат бошқарув органларининг ташқи иқтисодий фаолиятни тартибга солиш соҳасидаги ишларини мувофиқлаштиради;

Ўзбекистон Республикасини иқтисодий ривожлантиришнинг асосий йўналишларини, шунингдек бошқа дастурлар ва прогноз ишланмаларини ишлаб чиқишда қатнашади;

ташқи савдонинг асосий индикаторлари параметрларини, валюта балансини шакллантиришда ҳамда Ўзбекистон Республикасининг валюта, божхона-тариф ва солиқ сиёсатини шакллантиришда бевосита қатнашади;

Ўзбекистон Республикаси раҳбариятига ташқи иқтисодий алоқалар масалалари бўйича зарур ахборотларни тақдим этади;

манфаатдор вазирликлар ва идоралар билан биргаликда Ўзбекистон Республикасининг ташқи иқтисодий фаолият товар номенклатурасини, ташқи иқтисодий фаолият соҳасидаги статистик ҳисобот шаклларини ишлаб чиқади;

ташқи иқтисодий алоқаларнинг аҳволини таҳлил қилади, конъюнктурани ўрганади ва шу асосда жаҳон товар бозорларини, инвестиция, молия, инжиниринг, консалтинг, маркетинг ва бошқа ишлар ва хизматлар бозорлари ривожланиши, ташқи савдони ҳамда асосий савдо оқимларининг жуғрофий тақсимланиши ўзгариши тенденцияларини прогноз қилади;

республикада божхона-тариф бўйича тартибга солишни такомиллаштиришга доир тақлифлар ишлаб чиқади ва киритади;

товарлар, хизматлар, интеллектуал мулк объектлари, қишлоқ хўжалиги маҳсулотлари, тўқимачилик товарлари, фуқаро авиатехникаси билан халқаро савдо қилиш, давлат харидларини, юклаб жўнатишдан олдинги инспекцияни амалга ошириш, савдода санитария, фитосанитария ва техник тўсиқларнинг қўлланиши билан боғлиқ тадбирларни мувофиқлаштиради;

манфаатдор вазирликлар ва идоралар билан биргаликда транспорт коммуника-



циялари соҳасида ташқи иқтисодиётнинг стратегик масалалари бўйича, шу жумладан республиканинг ташқи савдо юкларини ташишни мақбуллаштириш, республиканинг коммуникация тизимларини халқаро транспорт коммуникациялари тизимига интеграциялаш мақсадида янги транспорт маршрутларини ишлаб чиқиш бўйича таклиф ишлаб чиқади;

ташқи иқтисодий фаолият соҳасидаги ҳужжатларни Ўзбекистон Республикаси томонидан имзолаш тўғрисида таклифлар киритади;

Вазирлар Маҳкамасига ва тегишли вазирликлар ва идораларга ташқи иқтисодий фаолият соҳасида, шу жумладан солиқ, валютани тартибга солиш, тарифли ва тарифсиз тартибга солиш чора-тадбирлари бўйича масалаларда қонунчилик базасини такомиллаштириш юзасидан таклифлар киритади;

манфаатдор вазирликлар ва идоралар билан биргаликда эркин иқтисодий зоналар бўйича давлат сиёсатини шакллантириш юзасидан таклифлар ишлаб чиқади;

электрон тижорат соҳасида Ўзбекистон Республикасининг савдо сиёсати стратегиясини ишлаб чиқади, давлат бошқарув органлари, жойлардаги давлат ҳокимияти ва бошқаруви органлари фаолиятини мувофиқлаштиради ҳамда Ўзбекистоннинг электрон савдо ва ташқи иқтисодий фаолиятни ахборотлаштириш соҳасида хорижий давлат ва халқаро ташкилотлар билан ҳамкорлигини таъминлайди;

б) Ўзбекистон Республикаси ташқи иқтисодиёти хавфсизлигини, иқтисодий манфаатлари, Ўзбекистон Республикаси ташқи иқтисодий фаолият субъектлари ҳуқуқ ва манфаатларининг ҳимоя қилинишини таъминлаш соҳасида:

чет элларда Ўзбекистон Республикасининг иқтисодий манфаатларини, шу жумладан Ўзбекистон Республикасининг ташқи иқтисодий ҳамкорлик масалалари бўйича халқаро шартномаларидан келиб чиқувчи мажбуриятларини ифодалайди, Ўзбекистон Республикаси Вазирлар Маҳкамаси топшириғига кўра халқаро ташкилотларнинг қотибиятларида ва бошқа ишчи органларида республиканинг ташқи иқтисодий ҳамкорлик масалалари бўйича манфаатларини ифодалайди, Ўзбекистон Республикаси вакилларининг халқаро ва хорижий ташкилотлар томонидан ўтказиладиган тадбирларда қатнашишига қўмаклашади, шунингдек улар билан биргаликда конференциялар, семинарлар, симпозиумлар ва бошқа анжуманлар ўтказади;

Ўзбекистон Республикаси Вазирлар Маҳкамасига товарлар экспорти ва импорти юзасидан миқдорий чеклашлар киритиш тўғрисида, товарларнинг айрим турлари экспорти ва/ёки импортига давлат монополиясини ўрнатиш тўғрисида, шунингдек товарлар экспорти ва/ёки импортига тақиқлаш тўғрисида таклифлар киритади;

Вазирлар Маҳкамасига чет элларда Ўзбекистон Республикасининг савдо ваколатхоналарини очиш ва ёпиш тўғрисида таклифлар киритади;

Ташқи ишлар вазирлиги билан келишган ҳолда ўз вакилларини чет элдаги Ўзбекистон Республикаси элчихоналари ҳузуридаги иқтисодиёт бўйича маслаҳатчилар сифатида юборади;

Ўзбекистон Республикасининг Жаҳон савдо ташкилотига кириши ва аъзо бўлиши жараёни доирасида Жаҳон савдо ташкилотининг тегишли органларида республиканинг ҳамда ташқи иқтисодий фаолият субъектларининг манфаатларини ифодалайди;

мамлакатнинг қонун ҳужжатларини Жаҳон савдо ташкилоти битимлари норма ва қоидаларига мослаштириш бўйича таклифлар киритади;

Ўзбекистон Республикаси билан амалий ишларни чеклашга интилишган ёки республиканинг хўжалик юритувчи субъектлари олдидаги мажбуриятларини виждонан бажаришмаган хорижий давлатлар компаниялари рўйхатини юритади, ташқи иқтисодий фаолияти субъектларига ушбу рўйхат мазмуни бўйича консултациялар беради;



ташқи бозорда давлат манфаатларига риоя этилиши юзасидан мониторингни амалга оширади, шу асосда ташқи иқтисодий соҳадаги салбий ҳолатларни бартараф этиш бўйича таклифлар тайёрлайди;

Ўзбекистон Республикасининг ташқи иқтисодий ҳамкорлик соҳасидаги халқаро шартномалари бўйича томонлар мажбуриятларининг бажарилиши юзасидан мониторингни амалга оширади;

халқаро иқтисодий низоларни жумладан: низоларни бартараф этиш учун музокаралар ўтказиш, воситачиликни амалга ошириш, низоларни халқаро тижорат ҳакамлигида бартараф этиш, низоларни хорижий давлатлар судларида ва халқаро судларда кўриб чиқиш орқали бартараф этиш, шунингдек низоларни Жаҳон савдо ташкилоти доирасида бартараф этиш йўли билан ҳал этишга йўналтирилган чора-тадбирларни амалга ошириш бўйича таклифлар киритади;

давлат эҳтиёжлари учун импорт харидлар тизимини мақбуллаштиради, давлат аҳамиятига молик товарлар харидларини, шу жумладан тендерлар ташкил этиш йўли билан, амалга оширади;

в) ташқи иқтисодий фаолиятни тартибга солиш соҳасида:

ташқи иқтисодий фаолият субъектлари фаолиятини қонунчиликда белгиланган ваколатлар доирасида мувофиқлаштиради ва тартибга солади;

республика ташқи иқтисодий фаолият субъектларининг, хорижий жисмоний ва юридик шахсларнинг республика ҳудудидаги ҳамда чет эллардаги фаолиятини тематик ва комплекс ўрганишни ташкил этади ва амалга оширади;

хорижий тижорат ташкилотлари ваколатхоналарини белгиланган тартибда Ўзбекистон Республикаси ҳудудида аккредитация қилишни ҳамда кўрсатиб ўтилган ваколатхоналарнинг хорижий ходимларини шахсан аккредитация қилишни амалга оширади, шунингдек ана шундай ваколатхоналар томонидан тақдим этиладиган улар фаолияти тўғрисидаги ахборотларни кўриб чиқади;

экспорт-импортни лицензиялашни амалга оширади, қонунчиликда белгиланган ҳолларда тегишли рухсатномалар беради;

Ташқи иқтисодий фаолият субъектларининг давлат савдо реестрини ва хорижий тижорат ташкилотларининг аккредитация қилинган ваколатхоналари бўйича маълумотлар банкни юритади;

Савдо ва тариф бош битими/Жаҳон савдо ташкилоти принципларига мувофиқ юклар жўнатишдан олдинги инспекция бўйича фаолиятнинг ташкил этилишини мувофиқлаштиради;

хавфли юклар, ҳарбий техника, ҳарбий мол-мулклар, портловчи моддалар ва буюмларни Ўзбекистон Республикаси ҳудуди орқали транзит бўйича ўтказишда белгиланган тартибда хулосалар беради ва назоратни амалга оширади;

ташқи иқтисодий фаолият субъектлари томонидан товарлар (ишлар, хизматлар)ни олиб кириш — олиб чиқиб кетиш ва транзити тартибига риоя қилиниши устидан қонунчиликда белгиланган тартибда назоратни амалга оширади ҳамда қонунчиликда белгиланган ҳолда уларга нисбатан тегишли чора-тадбирлар кўради;

ташқи савдо битишувлари ва халқаро шартномалар шартларига мувофиқ енгиб бўлмайдиган кучлар (форс-мажор) ҳолатлари тўғрисида хабар беради;

қонунчиликда белгиланган ҳолларда, ташқи иқтисодий фаолият субъектлари томонидан тузиладиган савдо-иқтисодий шартномалар, контрактлар ва битимларни экспертизадан, рўйхатдан ўтказишни ва ҳисобга олишни амалга оширади;

Ўзбекистон Республикаси юкларини транспортда ташиш, транспорт коридорларини ривожлантириш ва халқаро ташувларни амалга ошириш бўйича масалаларни кўриб чиқишда қатнашади;

ташқи савдо юкларини ташишни, шу жумладан коммуникация хизматларига,

транспортда ташишга, портларда ишлов беришга ва экспорт-импорт ҳамда транзит юкларни экспедиция қилишга тариф сиёсатини тартибга солиш чора-тадбирларини ишлаб чиқишда ва амалга оширишда қатнашади;

миллий транспорт ташкилотларини ҳимоя қилиш ва қўллаб-қувватлаш, республика транспорт инфратузилмасини ривожлантириш ҳамда транзит юк оқимларини жалб этиш чора-тадбирларини ишлаб чиқади;

Вазирлар Маҳкамасига халқаро мультимодаль транспорт коридорлари ва узелларининг ривожлантирилиши ва фаолият кўрсатиши масалалари бўйича таклифлар киритади;

Вазирлар Маҳкамасига импортни мақбуллаштириш ва унинг самарадорлигини ошириш бўйича, шунингдек товарларни олиб кириш ва олиб чиқиб кетишда муҳофазат, компенсация, антидемпинг ва бошқа чора-тадбирларни қўллаш тартиби бўйича таклифлар киритади;

олиб келинаётган ва олиб чиқиб кетилаётган товарларни сертификациялаш қоидаларини ишлаб чиқишда, техник, фармакологик, санитария, ветеринария, экология стандартлари ва талабларини белгилашда, шунингдек ташқи иқтисодий фаолиятни амалга ошириш чоғида юклар жўнатишдан олдинги инспекциялар, божхона расмиятчилиги, экология, ветеринария, фитосанитария ва санитария нормалари талабларига риоя этилишини таъминлашда қатнашади;

товарлар (ишлар, хизматлар) экспорти ва импортини тартибга солиш, шу жумладан стандартлар, мувофиқликни тасдиқлаш тизимлари бўйича талабларни қўллаш, товарлар хавфсизлиги нормаларига, уларни идишларга жойлаш ва маркировка қилиш қоидаларига риоя қилиш товарга доир ҳужжатларнинг тегишли шаклларида фойдаланиш бўйича чора-тадбирларни амалга оширади;

тижорат, валюта ва тўлов шартлари ҳамда давлат ташқи қарзлари ҳисобига ёки ҳукумат кафолатлари остида маблағ билан таъминланадиган контрактлар бўйича, шунингдек экспорт ва /ёки импорт қилишга давлат монополияси ёки микдорий чеклашлар белгиланган товарларнинг айрим турлари бўйича ташқи савдо нархлари устидан назоратни амалга оширади;

товарларнинг келиб чиқишини сертификациялаш, ўз эҳтиёжлари учун хорижий инвесторлар томонидан импорт қилинадиган маҳсулотларни сертификациялаш, мамлакатда ишлаб чиқарилган, экспортга етказиб бериладиган маҳсулотларни сертификациялашни мустақил амалга оширади ёки бу борадаги ваколатларини бошқага беради;

корхоналар ва ташкилотларда маркетинг хизматлари ташкил этилишига ва фаолият кўрсатилишига методик ва амалий кўмаклашади;

экспорт назорати соҳасида ишларни мувофиқлаштиради ва амалга оширади, охириги фойдаланувчи сертификатларини беради, экспорт назорат объектларининг миллий рўйхатлари бўйича таклифлар ишлаб чиқади;

юқори ликвидли маҳсулотларнинг кимовши савдосини ташкил этишда ва ўтказишда қатнашади;

г) иқтисодиётни ривожлантиришни рағбатлантириш ва уни жаҳон иқтисодий тизимида интеграциялаш соҳасида:

республика хўжалик юритувчи субъектларининг ташқи бозорларга кириб бориши учун қулай шарт-шароитларни таъминлаш бўйича комплекс чора-тадбирларни ишлаб чиқади ва амалга оширади;

ташқи иқтисодий ҳамкорликнинг турли шакллари, шу жумладан қўшма тадбиркорликни, бевосита ишлаб чиқариш ва илмий-техник алоқаларни кенгайтиришга кўмаклашади;

республика ҳудудида, шунингдек асосий денгиз портларида, темир йўл чегара

станцияларида ташқи савдо юкларига транспорт-экспедиторлик хизмати кўрсатиш, ташқи савдо юкларини тўплаш, тайёрлаш ва декларациялашни ташкил этиш, экспорт-импорт юклари ҳаракати ва транзити мониторинги тизимини такомиллаштириш бўйича тадбирларни ишлаб чиқишда ва амалга оширишда қатнашади;

Ўзбекистоннинг ташқи савдо инфратузилмасини ривожлантириш чора-тадбирларини ишлаб чиқади ва амалга оширади;

тегишли вазирликлар ва идорлар томонидан амалга ошириладиган иқтисодий, шу жумладан савдо, инвестиция, транспорт, молиявий, илмий-техник ҳамкорлик самардорлигини ошириш, шунингдек ташқи иқтисодий тусдаги туристик ва бошқа алоқаларни ривожлантириш бўйича тадбирларни мувофиқлаштиради;

республика ташкилотларининг чет эллардаги халқаро савдо-саноат кўرғазмаларида, ярмаркаларда, кимошди савдоларида ва шу каби тадбирларда қатнашишини ташкил этади ва мувофиқлаштиради, тижорат-ахборот ва реклама ишларини амалга оширади;

кичик ва ўрта бизнес корхоналарига ташқи иқтисодий фаолиятни амалга оширишда, энг аввало экспорт фаолиятида, шунингдек инвестицияларни жалб этишда ва бошқа фаолиятда кўмаклашади;

кичик ва ўрта бизнес корхоналарини, шунингдек ташқи иқтисодий фаолият бошқа субъектларини ҳуқуқ, нарх, валюта, молия, кредит масалалари бўйича, ташқи бозорнинг экспортга етказиб берилаётган маҳсулотлар сифатига, техник тавсифномаларига талаблари бўйича методик, ахборот ва консултантив таъминлашни амалга оширади;

ўз ваколатлари доирасида ташқи иқтисодий фаолият соҳасидаги қонунчилик бўйича шарҳлар ва тушунтиришлар беради;

ташқи иқтисодий алоқалар муаммолари бўйича илмий-тадқиқотлар ўтказилишини ташкил этади;

д) экспорт салоҳиятини ривожлантириш дастурларини амалга оширишга кўмаклашиш соҳасида:

миллий товар ишлаб чиқарувчилар ва бошқа хўжалик юритувчи субъектлар маҳсулотларини экспорт қилишга кўмаклашишга йўналтирилган чора-тадбирлар ишлаб чиқади;

иқтисодиёт тармоқларида янги тузилмалар, гуруҳлар ташкил этиш ва бошқа таркибий ўзгартиришлар тўғрисида таклифлар киритади;

янги корхоналар ташкил этиш ва ишлаётган корхоналарни қайта ташкил этиш бўйича таклифлар киритади;

миллий ишлаб чиқарувчиларнинг маҳсулотларини экспорт қилишни мақбуллаштиришга йўналтирилган чора-тадбирларни жорий этиш тўғрисида таклифлар киритади;

манфаатдор вазирликлар ва идоралар билан биргаликда экспорт салоҳиятини кенгайтириш, импортнинг ўрнини тўлдириш ва маҳаллий моддий-хом ашё ресурслари негизида ишлаб чиқаришни маҳаллийлаштириш мақсадли дастурларини ишлаб чиқади, шунингдек уларни амалга оширишда кўмаклашади;

энг муҳим товарларни, шу жумладан пахта толаси, рангли металллар ва шу кабиларни ишлаб чиқариш ҳамда экспортга етказиб бериш балансларини ишлаб чиқишда бевосита қатнашади;

пахта толаси жаҳон бозорида қисқа, ўртача ва узоқ муддатли даврда тадқиқотлар ўтказиши ҳамда вазиятнинг ривожланиш сценариясини ишлаб чиқади;

ташқи бозорлар талабларини ва маҳаллий моддий-хом ашё ресурсларидан тўлиқ фойдаланиш имкониятларни ҳисобга олган ҳолда экспортнинг турли механизмлари ва схемаларини, ишлаб чиқариш жараёнини мақбуллаштириш бўйича тавсияларни ишлаб чиқади;

экспорт дастурларини ва хорижий инвестицияларни суғурталаш ташкилотларини ташкил этишда қатнашади;

ташқи сотиш бозорлари эҳтиёжини ва талабларини ўрғанади, экспорт стратегиясини, шунингдек экспорт номенклатурасини кенгайтириш ва ҳажмларини кўпайтириш, экспортни маблағ билан таъминлаш механизмини такомиллаштириш, миллий товар ишлаб чиқарувчиларнинг анъанавий экспорт номенклатураси билан савдо қилишда шарт-шароитларни мақбуллаштириш ва янги инструментларни жорий этиш ҳисобига, ҳам анъанавий бўлмаган экспортнинг бошқа хил маҳсулотлар (ишлар ва хизматларни) олиб кириш ва экспорт номенклатурасини диверсификациялаш ҳисобига халқаро бозорларга чиқиши бўйича комплекс чора-тадбирларни ишлаб чиқади ва амалга оширади;

экспорт қилувчи корхоналарни рағбатлантиришга доир чора-тадбирлар комплексини амалга ошириш бўйича таклифлар киритади;

экспорт маҳсулотлари ҳажмларини кўпайтириш ва ассортиментини кенгайтириш бўйича потенциал имкониятларни таҳлил қилади ва чора-тадбирларни амалга оширади;

мамлакатимиз маҳсулотларининг потенциал импортчилари бўлган давлатлардаги иқтисодий вазиятни таҳлил қилади, минтақанинг товар бозори конъюнктурасини ўрғанади ва уни ривожлантириш тенденцияларини прогноз қилади, минтақавий иқтисодий интеграцияни амалга ошириш тўғрисида таклифлар тайёрлайди;

экспортга йўналтирилган маҳсулотлар, шунингдек тармоқ бўйича экспорт маҳсулотлар ишлаб чиқарувчилар ва экспортчилар бўйича маълумотлар базасини шакллантиради ва юритади;

миллий экспортнинг бутун номенклатураси бўйича маркетинг тадқиқотлари ўтказилади ҳамда маркетинг ва таҳлилий обзорлар тайёрлайди;

Ўзбекистон Республикасининг хўжалик юритувчи субъектларини республикада ишлаб чиқарилаётган маҳсулотларнинг ташқи бозорларда сотилиши аҳоли, шунингдек маҳсулотларнинг бошқа турларини сотишнинг потенциал бозорларига экспорт қилиш истиқболлари тўғрисида ўзининг даврий нашрлари ва техник воситалари орқали хабардор қилади;

умумдавлат аҳамиятига эга бўлган товарлар (ишлар, хизматлар) бўйича экспорт-импорт операцияларининг бажарилиши мониторингини ўтказишни ташкил қилади ва амалга оширади;

манфаатдор вазирликлар ва идоралар билан биргаликда ноанъанавий экспорт, шу жумладан илмталаб маҳсулотлар, технологиялар ва хизматлар, ишлаб чиқариш-технологик кооперациялаш ва илмий ҳамкорлик дастурларини ишлаб чиқади ва амалга оширади;

маҳсулотлар ва хизматлар сифатини ошириш концепциялари ва дастурларини ишлаб чиқишда қатнашади, ишлаб чиқаришда сифатни бошқариш ва уларни сертификатлаш тизимларини жорий этиш бўйича тадбирларнинг бажарилиши мониторингини амалга оширади;

экспорт қилинадиган товарлар миқдори ва сифатини эксперт баҳолаш тизимини такомиллаштириш бўйича таклифлар ишлаб чиқади ва киритади;

республика корхоналари, шу жумладан кичик ва ўрта бизнес корхоналари томонидан ишлаб чиқарилаётган маҳсулотлар экспортини ташкил этишда қатнашади, уларга хорижий бозорлар маркетинг тадқиқотларини ўтказишда кўмаклашади;

ташқи иқтисодий фаолият субъектлари томонидан экспорт ва импорт прогнозларининг бажарилишини улар томонидан Агентликка юбориладиган ахборотлар асосида мониторинг ва таҳлил қилади ҳамда натурал ва нарх ифодасида экспорт суръатларини, нисбатини ва самарадорлигини прогноз қилади;

ташқи савдо инфратузилмасини электрон савдонинг жаҳон тизимига интеграциялаш, «Интернет»нинг глобал тармоғида миллий экспортчилар иштирокини кучайтириш, Ўзбекистон Республикаси ташқи иқтисодий фаолият ахборот марказини барпо этиш бўйича дастурлар ва чора-тадбирлар комплексларини ишлаб чиқади;

е) хорижий инвестицияларни жалб этиш соҳасида:

давлат органларининг хорижий инвесторлар билан ишлаш бўйича фаолиятини мувофиқлаштиради;

хорижий инвестицияларни Ўзбекистон Республикаси ҳудудига жалб этиш учун шарт-шароитларни тартибга солиш ва яратишга йўналтирилган чора-тадбирлар комплексини ишлаб чиқишда ва амалга оширишда қатнашади;

Ўзбекистон Республикасида инвестиция муҳитини такомиллаштириш, хорижий инвестицияларни жалб этишнинг норматив-ҳуқуқий ва шартномавий базасини ҳамда хорижий инвестициялар иштирокидаги корхоналар фаолиятини ривожлантириш бўйича таклифлар тайёрлашда қатнашади;

Ўзбекистон Республикаси иқтисодиётининг устувор тармоқларида тўғридан-тўғри хорижий инвестицияларни давлат томонидан қўллаб-қувватлайди;

тўғридан-тўғри хорижий инвестицияларни жалб этиш учун иқтисодиётнинг устувор секторлари рўйхатини ва энг муҳим ишлаб чиқаришлар рўйхатини аниқлаш ҳамда инвестиция лойиҳаларини амалга оширишда имтиёзлар ва преференциялар бериш тартиби бўйича таклифлар ишлаб чиқади;

Ўзбекистон Республикасидан ташқарида хўжалик юритувчи субъектларнинг уларга тадбиркорлик объектларида моддий ва номоддий бойликлар ва ҳуқуқлар бериш ва чет элдаги бошқа фаолият билан боғлиқ бўлган инвестиция фаолиятини тартибга солувчи чора-тадбирларни ишлаб чиқади ва амалга оширади;

республика резидентларининг чет элдаги корхоналари ва филиаллари фаолияти мониторингини амалга оширади;

ташқи иқтисодий фаолият субъектларига хорижий шериклар қидиришда ҳамда уларнинг ишончлилиги ва ишчанлигини таҳлил қилишда қўмаклашади, хорижий инвестицияларни жалб этиш масалаларида ахборотлар билан қўллаб-қувватлайди;

Ўзбекистон Республикасида ва чет элларда реклама-ахборот ишларини амалга оширади, шу жумладан манфаатдор вазирликлар ва идоралар билан биргаликда Ўзбекистон Республикасининг ютуқлари ва инвестиция имкониятларини оммалаштириш ва тарғиб қилиш мақсадида Ўзбекистон Республикасида ва чет элларда саммитлар, анжуманлар, семинарлар, тақдимотлар, конференциялар ва бошқа тадбирларни амалга оширади;

оммавий ахборот воситаларида инвестиция лойиҳаларини амалга оширишга тааллуқли барча норматив-ҳуқуқий ҳужжатларнинг эълон қилинишини таъминлайди;

стратегия жиҳатидан муҳим бўлган инвестиция дастурлари ва устувор лойиҳаларни амалга ошириш учун тўғридан-тўғри хорижий инвестицияларни, ташқи кредитларни жалб этади, ташкилотлар ва корхоналар томонидан тақдим этиладиган ахборотлар асосида уларнинг самарали фойдаланилиши бўйича мониторинг олиб боради;

экспорт салоҳиётини ва ишлаб чиқарилиши мўлжалланаётган товарлар, ишлар, хизматларнинг ташқи бозорлардаги рақобатга бардошлилигини аниқлаш мақсадида инвестиция лойиҳаларининг маркетинг экспертизасини ўтказади;

лойиҳаларнинг техник-иқтисодий асослашлари экспертизасини белгиланган тартибда ўтказади, йирик инвестиция лойиҳалари ва дастурларининг ҳолисона экспертизасини ташкил этиш бўйича таклифлар киритади;

инвестиция лойиҳалари амалга оширилиши мониторингини, шу жумладан инвестиция шартномалари шартларига риоя қилиниши устидан назоратни амалга оширади;

ташқи иқтисодий фаолият субъектларига тендер савдолари ўтказишда кўмаклашади;

хорижий инвесторларга ахборот-консултация кўмаги кўрсатилишини таъминлайди;

қонунчиликда белгиланган тартибда Ўзбекистон Республикасининг хўжалик юритувчи субъектларига чет мамлакатларда хўжалик низоларини судгача кўриб чиқиш тартибидан бартараф этишда ёрдам кўрсатади;

қонунчиликда белгиланган тартибда хорижий юридик ва жисмоний шахсларга Ўзбекистон Республикасида хўжалик низоларини бартараф этишда судгача кўриб чиқиш тартибидан ёрдам кўрсатади;

йирик корхоналарни хусусийлаштириш бўйича танловлар ташкил этишда қатнашади;

Ўзбекистон Республикаси ташқарисида корхоналар, филиаллар, корхоналар ташкил этиш учун Ўзбекистон Республикаси резидентларининг сармоясини олиб чиқиб кетиш стратегияси ва тартибини ишлаб чиқиш бўйича таклифлар киритади, ўз ваколатлари доирасида чет элдаги республика резидентлари корхоналари фаолиятини қўллаб-қувватлайди;

тўғридан-тўғри хорижий инвестициялар оқимларини таҳлил қилади, уларни жалб этиш ва рағбатлантириш бўйича жаҳон тажрибасини ўрганади ва умумлаштиради;

ж) икки томонлама ва кўп томонлама савдо-иқтисодий ва молиявий ҳамкорликни ривожлантириш соҳасида:

Ўзбекистон Республикасининг хорижий давлатлар, халқаро ва ҳукумат ташкилотлари билан иқтисодий алоқаларини ривожлантириш ва мустақкамлаш бўйича ҳамкорлик стратегиясини шакллантиришда ва чора-тадбирларни амалга оширишда қатнашади;

хорижий давлатлар органлари, чет элдаги халқаро ва бошқа ташкилотлар, фирмалар, компаниялар ва корхоналар, Ўзбекистон Республикасидаги хорижий давлатларнинг элчихоналари ва ваколатхоналари, халқаро ташкилотлар ҳамда хорижий фирмалар, компаниялар ва корхоналар билан тўғридан-тўғри алоқаларни амалга оширади;

Ўзбекистон Республикаси Ҳукумати топшириғига кўра музокаралар ўтказишда ва халқаро шартномалар тузади, шунингдек бошқа давлатларнинг ташқи иқтисодий органлари, фирмалари, компаниялари ва корхоналари ҳамда халқаро ташкилотлар билан ҳамкорлик тўғрисида битимлар тузади;

Ўзбекистон Республикасининг ташқи иқтисодий фаолият масалалари, шу жумладан савдо-иқтисодий, инвестиция, молия, солиқ, транспорт-коммуникация, илмий-техник ва бошқа соҳалардаги ҳамкорлик бўйича халқаро шартномалари лойиҳаларини тайёрлайди, киритади ва уларни хорижий мамлакатлар ҳамда халқаро ташкилотлар билан келишиб олади;

Ўзбекистон Республикаси делегацияларининг хорижий давлатларга давлат ташрифлари билан боғлиқ тадбирларни ахборот-таҳлил, шартномавий-ҳуқуқий, ташкилий жиҳатдан таъминлашда қатнашади;

хорижий давлатлар ва халқаро молия институтларининг техникавий, мурувват, беғараз ва бошқа ёрдамларини олиш жараёнини мувофиқлаштиради;

хорижий мамлакатлар давлат ҳокимияти ва бошқарув органларининг, ташкилотлар ва фирмаларининг ташқи иқтисодий алоқалар масалалари бўйича мурожаатларини кўриб чиқади, зарур ҳолларда ушбу масалалар бўйича таклифларни тайёрлайди ва Вазирлар Маҳкамасига, манфаатдор вазирликлар ва идораларга тақдим этади, шунингдек мурожаатларга жавоблар юборади;



хорижий давлатлар билан савдо-иқтисодий ҳамкорлик бўйича ҳукуматлараро комиссиялар (қўмиталар, кенгашлар)нинг Ўзбекистон бўйича котибияти функцияларини бажаради;

Ўзбекистон Республикасининг асосий ва истиқболли шериклари ташқи савдо режимлари, шу жумладан эркин савдо зоналарининг, божхона иттифоқларининг фаолият кўрсатиши, энг кўп қулайлик берадиган режимлар, амалдаги божхона-тариф қоидалари, лицензиялаш ва квоталаш тартиботлари, товарларнинг божхона қиймати ва келиб чиқиш мамлакатини аниқлаш ва бошқа масалалар билан боғлиқ ахборотларни тўплайди ва туркумлаштиради;

хорижий мамлакатларнинг сиёсий-иқтисодий ва молия-кредит аҳоли, иқтисодий ривожлантириш дастурлари, ташқи иқтисодий алоқалари хусусиятлари тўғрисидаги ахборотларни тўплайди ва таҳлил қилади;

ташқи иқтисодий алоқалар соҳасида тузилган битимлар ва шартномаларнинг амал қилиш муддатларини узайтириш ёки денонсация қилиш тўғрисида таклифлар киритади;

Ўзбекистоннинг айрим мамлакатлар, мамлакатлар гуруҳлари ва минтақалар билан савдо-иқтисодий муносабатларини, ишлаб чиқариш кооперацияларини, қўшма ишлаб чиқаришларни ҳамда хорижий давлатларнинг хўжалик юритувчи субъектлари билан бевосита алоқаларни кенгайтириш бўйича таклифлар киритади;

республиканинг хорижий мамлакатлар билан ташқи иқтисодий алоқаларини ривожлантиришга доир ахборот-реклама ишларини амалга оширади;

ташқи иқтисодий ҳамкорлик масалалари бўйича хорижий делегацияларни қабул қилиш ва уларнинг Ўзбекистон Республикасида бўлиши, шу жумладан учрашувлар ва кузатишларни ташкил этиш, делегация аъзоларига визалар олиш ва уларнинг муддатини узайтириш, уларни меҳмонхоналарга жойлаштириш, уларга транспорт хизмати кўрсатиш, музокаралар, бизнес-семинарлар, конференциялар, Ўзбекистон Республикаси бўйича ташрифларни ташкил этиш билан боғлиқ чора-тадбирлар комплексини амалга оширади;

з) кадрлар тайёрлаш ва уларнинг малакасини ошириш соҳасида:

тегишли органларга ташқи иқтисодий фаолият соҳасидаги ўқув режалари, дастурлари ва ўрта махсус ҳамда олий ўқув юртларида мутахассисларни ўқитиш жараёни бўйича таклифлар киритади;

Агентлик тизими ходимлари ҳамда бошқа вазирликлар, идоралар, ташкилотлар ва хўжалик юритувчи субъектлар мутахассислари учун чет элларда қисқа муддатли ва узоқ муддатли тажриба орттириш ўқишлари ва семинарлар ташкил этади;

Агентлик тизимида, шу жумладан Агентликнинг ўқув марказлари базасида иқтисодий йўналишдаги олий ўқув юртлари талабалари ва тингловчиларининг касб бўйича тажриба орттиришларини ва диплом иши тайёрлашдан олдинги практикасини ташкил этади;

ташқи иқтисодий фаолият субъектлари учун ташқи савдонинг долзарб масалалари бўйича методик қўлланмалар ишлаб чиқади;

Агентлик ташқи иқтисодий бирлашмалари, фирмалари ва бошқа ташкилотларининг мутахассисларни хорижга хизмат сафарига юбориш ва ташқи иқтисодий соҳада малакали кадрлар тайёрлаш бўйича ишларини мувофиқлаштиради ва ишлари самарадорлигини таҳлил қилади;

Агентликнинг Ўқув марказида ўқитишни ташкил қилади ва ташқи иқтисодий фаолият соҳасида малака ошириш курсларида ўқиганлик тўғрисида тегишли ҳужжатлар беради;

и) Агентлик юқорида кўрсатилганлардан ташқари ўзининг мақсадлари ва вази-

фаларига мувофиқ келувчи ҳамда амалдаги қонун ҳужжатларига зид бўлмаган бошқа функцияларни бажаради.

### III. Агентликнинг ҳуқуқлари

9. Агентлик қўйидаги ҳуқуқларга эга:

Агентликка юкланган вазифалар ва функцияларни бажариш билан боғлиқ таклифлар, қарорлар ва норматив ҳужжатлар лойиҳаларини киритиш;

ўз ваколатлари доирасида ташқи иқтисодий фаолият соҳасидаги муносабатларни тартибга солувчи идоравий норматив ҳужжатлар қабул қилиш;

Агентлик вазифалари ва функцияларини бажариш билан боғлиқ бўлган қабул қилиш учун киритилаётган таклифлар, қарорлар ва норматив ҳужжатлар лойиҳаларини келишиб олиш;

ўз ваколатлари доирасида хориждаги давлат ҳокимияти ва бошқарув органлари, ташкилотлар, бошқа юридик шахслар, шунингдек жисмоний шахслар билан алоқа боғлаш;

хорижий мамлакатлар билан белгиланган тартибда техник ва иқтисодий ахборотларни айирбошлашни амалга ошириш, вазирликлар, идоралар ва ташқи иқтисодий фаолият субъектларидан ахборотларни сўраб олиш;

ташқи иқтисодий алоқалар масалалари бўйича ваколатли органлар, хўжалик юритувчи субъектлардан статистик маълумотлар, таклифлар, хулосалар ва бошқа зарур материалларни, ташқи савдо асосий индикаторлари параметрларини ишлаб чиқиш ва бажарилишини текшириш учун зарур бўлган, шу жумладан идоравий статистика материалларни ва бошқа ахборотнома материалларни олиш, шунингдек юкланган вазифалар ва функцияларни бажариш билан боғлиқ ёзишмалар олиб бориш;

Ўзбекистон Республикаси резидентлари томонидан хорижда муассасалар очиш тартиботини тартибга солиш ҳамда уларни ҳисобга қўйиш;

тегишли вазирликлар, идоралар, давлат ташкилотлари, маҳаллий ҳокимият ва давлат бошқаруви органлари, шунингдек корхоналар масъул шахсларининг ташқи иқтисодий сиёсатни амалга ошириш, ташқи бозорда республика манфаатларига риоя қилиниши, республиканинг экспорт салоҳиятини кенгайтириш масалалари ҳамда ташқи иқтисодий алоқаларга оид бошқа масалалар бўйича ҳисоботларини эшитиш;

қонун ҳужжатларида белгиланган ҳолларда ташқи иқтисодий фаолиятни амалга оширишнинг белгиланган тартибини бузаётган хўжалик юритувчи субъектларга нисбатан чоралар кўриш;

Агентлик тизимига кирувчи хориждаги қўшма корхоналарни, халқаро лойиҳаларни, шунингдек ўзига қарашли ташқи иқтисодий компанияларни, фирмаларни, марказларни, агентликларни, жамғармаларни, ўқув юртларини ва Ўзбекистоннинг ташқи иқтисодий алоқалари ривожланишига кўмаклашаётган бошқа ташкилотларни, шу жумладан республикадаги ва хориждаги хорижий шериклар иштирокидаги ташкилотларни белгиланган тартибда ташкил этиш, қайта ташкил этиш ва тугатиш;

белгиланган тартибда бўлинмаларни (бўлимларни) тузишни ташкил этиш, ўзига қарашли фирмалар, бирлашмалар ва ваколатхоналарнинг филиалларини, шу жумладан хорижий давлатларда, очиш;

Вазирлар Маҳкамаси билан келишган ҳолда ўзаро ҳамкорлик қилиш Агентлик томонидан ўз вазифаларини ва функцияларини тўлиқ ва самарали бажаришга кўмаклашиши мумкин бўлган уюшмаларда, федерацияларда ва бошқа бирлашмаларда белгиланган тартибда қатнашиш (шу жумладан бирлашмаларни ташкил этиш);

Ўзбекистон Республикасининг ташқи иқтисодий муаммолари бўйича мувофиқ-



лаштирувчи, илмий-техник ва бошқа кенгашлар, идоралараро эксперт комиссиялари тузиш, шунингдек махсус йиғилишлар чақириш;

ташқи иқтисодий алоқаларни ривожлантиришнинг энг муҳим муаммолари бўйича таклифлар тайёрлаш учун зарур ҳолларда олимлар, тармоқ мутахассисларидан вақтинчалик ишчи гуруҳлари ташкил этиш, ташқи иқтисодий алоқалар соҳасида маслаҳатлар учун, муаммоларни ўрганиш ва ҳал қилиш учун ҳам республикадан, ҳам хориждан олимларни, мутахассисларни ва экспертларни шартнома асосида жалб қилиш;

қонун ҳужжатларида белгиланган ҳолларда ташқи савдо акциядорлик компанияларидаги давлатга тегишли акциялар (улушлар, пайлар)ни бошқариш;

ўзига қарашли ташкилотларнинг солиқлар тўлангандан кейин қоладиган фойдаси ҳисобига шакллантириладиган Агентлик тизимининг идоравий марказлаштирилган жамғармаларини ташкил этиш, улардан фойдаланишнинг асосий йўналишларини белгилаш, шу жумладан хорижий кредитларни тўлаш, биринчи навбатда Ҳукумат кредитларини ёки Ўзбекистон Республикаси Ҳукумати кафолати остидаги кредитларни тўлаш;

ўз қурилиш моддий-техника базасини ривожлантириш дастурини ишлаб чиқиш;

Агентлик ва унга қарашли бўлинмалар томонидан республикада ва хорижда турли хизматлар кўрсатиш ва фаолиятдан, рухсатномалар бериш ҳамда хорижий ташкилотлар ваколатхоналарини ва фуқароларни аккредитация қилишдан олинadиган ўз ихтиёрида қоладиган бюджетдан ташқари маблағлардан ўз моддий-техника базасини ривожлантириш ва ижтимоий мақсадлар учун фойдаланиш;

ўз ваколатлари доирасида хорижий давлат, банк ва тижорат кредитларини жалб этиш, валюта маблағларидан оқилона фойдаланилишини, Ҳукумат томонидан кафолатланган кредитларнинг қайтарилишини назорат қилиш, уларнинг ҳисобини юритиш ишларида қатнашиш, шунингдек ўзига қарашли ташқи иқтисодий ташкилотларга кредитлар ҳисобига операцияларни амалга ошириш ҳамда амалга оширилиши Вазирлар Маҳкамаси томонидан Агентликка юкланган лойиҳалар бўйича кредитлар ҳисобига тузилаётган контрактларнинг кредит бериш шартларига мувофиқлигини тезкор назорат қилишни топшириш;

ўз ижтимоий инфратузилмасини ривожлантириш чора-тадбирларини амалга ошириш;

ходимларнинг лавозим маошларига шахсий ва махсус қўшимчалар, шунингдек илмий даражаси, хорижий тилларни билиши ва узоқ муддатли хизмати учун устамалар тўлаш;

Агентликнинг ва Агентлик розилиги билан ўзига қарашли ташкилотларнинг расмий таклифига кўра Ўзбекистонга келган хорижий делегацияларнинг республикада яшаш ва транспорт харажатларига ҳақ тўлаш;

ташқи иқтисодий алоқалар инфратузилмасини ривожлантириш манфаатларини қўзлаб ҳам республика ҳудудида, ҳам хорижда объектларни, шу жумладан хорижий фирмалар иштирокида, қуриш ва реконструкция қилиш;

Агентлик тизимида бюджет маблағларидан оқилона фойдаланилишини мунтазам назорат қилиш, ўзига қарашли ташкилотларнинг тижорат, молия ва хўжалик фаолиятини текшириш ва тафтиш қилиш.

#### **IV. Агентлик фаолиятини ташкил этиш**

10. Ўзбекистон Республикаси Ташқи иқтисодий алоқалар агентлигига Ўзбекистон Республикаси Президенти томонидан тайинланадиган, кейинчалик Ўзбекистон Республикаси Олий Мажлиси томонидан тасдиқланадиган раис бошчилик қилади.

Раиснинг лавозимга Ўзбекистон Республикаси Вазирлар Маҳкамаси томонидан тайинланадиган тўрт нафар ўринбосари, шу жумладан бир нафар биринчи ўринбосари бўлади. Улар ўртасидаги вазифалар Раис томонидан тақсимланади.

Раис Қорақалпоғистон Республикаси Ташқи иқтисодий алоқалар агентлиги, вилоятлар ва Тошкент шаҳар Ташқи иқтисодий алоқалар бошқармалари, бошқа ўзига қарашли муассасалар ва ташкилотлар фаолиятига раҳбарлик қилади, уни ташкил этади ва мувофиқлаштиради.

Раис Агентликка юкланган вазифаларнинг бажарилиши ва Агентликнинг ўз функцияларини амалга ошириши учун шахсан жавоб беради, Агентлик фаолияти айрим йўналишларининг юритилиши учун Раис ўринбосарларининг ҳамда Агентлик марказий аппарати таркибий бўлинмалари раҳбарларининг масъулияти даражасини белгилайди.

Раис:

Агентликка қарашли корхоналар ва ташкилотлар томонидан бажарилиши мажбурий бўлган буйруқлар чиқаради ва кўрсатмалар беради;

зарур ҳолларда Раис Қорақалпоғистон Республикаси Ташқи иқтисодий алоқалар агентлиги, Агентликнинг вилоятлар ва Тошкент шаҳридаги бошқармалари раҳбарларининг буйруқларини, фармойишларини, кўрсатмаларини, йўриқномаларини бекор қилади;

Агентлик ваколатига тегишли масалалар бўйича қарорлар қабул қилади;

Агентлик марказий аппарати бўлинмалари, Агентликнинг вилоятлар ва Тошкент шаҳридаги бошқармалари, Қорақалпоғистон Республикаси Ташқи иқтисодий алоқалар агентлиги тўғрисидаги низомларни тасдиқлайди;

Агентлик марказий аппаратининг, Қорақалпоғистон Республикаси Ташқи иқтисодий алоқалар агентлиги, вилоятлар ва Тошкент шаҳар Ташқи иқтисодий алоқалар бошқармалари штатлар жадвалини ходимларнинг белгиланган сони ва иш ҳақи фонди доирасида тасдиқлайди;

марказий аппарат, Қорақалпоғистон Республикаси Ташқи иқтисодий алоқалар агентлиги, вилоятлар ва Тошкент шаҳар Ташқи иқтисодий алоқалар бошқармалари, ўзига қарашли муассасалар ва ташкилотлар, хорижий давлатлардаги савдо ваколатхоналари ва улар аппаратининг раҳбар ходимларини лавозимга тайинлайди ва лавозимдан озод қилади;

Агентликнинг, шунингдек ўзига қарашли корхоналар ва ташкилотлар раҳбар ходимларини хорижга хизмат сафарига юбориш масалаларини ҳал қилади.

11. Агентликда Раис (ҳайъат раиси), Вазирлар Маҳкамасининг Ташқи иқтисодий алоқалар ва хорижий инвестициялар департаменти бошлиғи (келишув бўйича), Раис ўринбосарлари — лавозимига кўра, Қорақалпоғистон Республикаси Ташқи иқтисодий алоқалар агентлиги раиси — лавозимига кўра, Агентлик, Агентликка қарашли ташкилотлар бошқа раҳбар ходимларидан иборат таркибда ҳайъат ташкил этилади. Ҳайъат мажлисларига зарур ҳолларда республика ҳуқуқни муҳофаза қилиш, молия органлари ва бошқа вазирликлар, идоралар ва ташкилотларнинг ўз ваколатлари доирасида Ўзбекистон Республикасининг ташқи иқтисодий алоқаларини бошқаришда қатнашувчи вакиллари таклиф қилиниши мумкин.

Ҳайъат аъзолари сони ва унинг шахсий таркиби Ташқи иқтисодий алоқалар агентлиги тақдимномасига кўра Ўзбекистон Республикаси Вазирлар Маҳкамаси томонидан тасдиқланади.

Ўзбекистон Республикаси Ташқи иқтисодий алоқалар агентлиги ҳайъати ўзининг мунтазам равишда ўтказиладиган мажлисларида:

Агентлик марказий аппарати таркибий бўлинмалари, Қорақалпоғистон Республикаси Ташқи иқтисодий алоқалар агентлиги, вилоятлар ва Тошкент шаҳар Ташқи

иқтисодий алоқалар бошқармалари, ўзига қарашли компаниялар, фирмалар, марказлар ва ташкилотлар, савдо ваколатхоналари, Ўзбекистон Республикаси элчихоналари хузуридаги иқтисодий маслаҳатчилар фаолияти;

Агентлик аппарати бўлинмалари раҳбарларини, Қорақалпоғистон Республикаси Ташқи иқтисодий алоқалар агентлиги раиси ва унинг ўринбосарини, ўзига қарашли ташкилотлар раҳбарлари ва уларнинг ўринбосарларини, шунингдек Ўзбекистон Республикасининг хорижий давлатлардаги элчихоналари хузуридаги иқтисодий маслаҳатчиларни тайинлаш;

Хукумат топшириқларини бажариш ва Агентлик фаолияти прогнозлари билан боғлиқ ҳамда Агентлик ваколатига тегишли бошқа масалаларни кўриб чиқади.

Ҳайъат унинг мажлисида аъзоларининг яридан кўпи иштирок этганда ваколатли ҳисобланади.

Кўриб чиқиладиган масалалар бўйича қарорлар оддий кўпчилик овоз билан қабул қилинади. Овозлар тенг бўлиб қолганда раиснинг овози ҳал қилувчи ҳисобланади.

12. Агентлик белгиланган тартибда Агентлик тизимининг, шу жумладан ўзига қарашли ташкилотларнинг сафарбарлик тайёргарлиги бўйича тадбирларни амалга оширади.

13. Ўзбекистон Республикаси Ташқи иқтисодий алоқалар агентлигининг тузилмаси, меҳнатга ҳақ тўлаш фонди ва марказий аппарати ходимларининг сони Ўзбекистон Республикаси Вазирлар Маҳкамаси томонидан тасдиқланади.

14. Қорақалпоғистон Республикаси Ташқи иқтисодий алоқалар агентлиги, вилоятлар ва Тошкент шаҳар Ташқи иқтисодий алоқалар бошқармалари ўз фаолиятини Ўзбекистон Республикаси ташқи иқтисодий сиёсати доирасида ҳамда Ташқи иқтисодий алоқалар агентлиги раҳбарлигида амалга оширади.

Қорақалпоғистон Республикаси Ташқи иқтисодий алоқалар агентлиги, вилоятлар ва Тошкент шаҳар Ташқи иқтисодий алоқалар бошқармалари:

ташқи иқтисодий алоқалар ривожлантирилиши, экспорт потенциали кенгайиши, минтақалар ташқи иқтисодий алоқалар субъектлари фаолияти устидан мониторинг амалга оширилиши учун жавоб берадилар;

минтақада Ўзбекистон Республикаси ташқи иқтисодий сиёсати ўтказилишини таъминлайдилар ҳамда уни ривожлантириш стратегиясини шакллантиришда қатнашадилар;

қонун ҳужжатларида белгиланган ҳолларда, Раис топшириғига кўра ташқи иқтисодий фаолиятни нотариф тартибга солиш масалаларида қатнашадилар;

Агентлик томонидан берилган ваколатлар доирасида, мазкур Низомда белгиланган бошқа вазифалар ва функцияларни бажарадилар.

15. Агентликка қарашли ташкилотлар ва бўлинмалар тўғрисидаги уставлар ва низомлар Ўзбекистон Республикаси Ташқи иқтисодий алоқалар агентлиги раиси томонидан тасдиқланади.

16. Агентликка қарашли ташкилотларнинг акциядорлик жамиятларида, уюшма-ларда, қўшма корхоналарда, концернларда ва тадбиркорлик (тижорат)нинг бошқа шаклларида қатнашиши, шу жумладан юқорида кўрсатиб ўтилган субъектларни таъсис этиши, шунингдек қўшимча даромад манбаи олиш мақсадида фаолиятнинг бошқа турларида қатнашиши Агентлик билан келишиб олинади.

17. Агентлик ўзига қарашли ташкилотларнинг мажбуриятлари бўйича мулкий жавоб бермайди, бу ташкилотлар эса Агентликнинг мажбуриятлари бўйича жавоб бермайди.

Вазирлар Маҳкамасининг  
2002 йил 23 октябрдаги 368-сон қарорига  
5-ИЛОВА

### **Ўзбекистон Республикаси Ҳукуматининг ўз кучини йўқотган қарорлари РЎЙХАТИ**

1. Ўзбекистон Республикаси Вазирлар Маҳкамасининг «Ўзбекистон Республикаси Ташқи иқтисодий алоқалар вазирлиги тўғрисидаги низомни ҳамда Ўзбекистон Республикаси Ташқи иқтисодий алоқалар вазирлигининг Минтақавий ваколатли вакили бошқармаси тўғрисидаги Низомни тасдиқлаш ҳақида» 1992 йил 17 ноябрдаги 538-сон қарори (Ўзбекистон Республикаси ҚТ, 1992 й., 11-сон, 35-модда).

2. Ўзбекистон Республикаси Вазирлар Маҳкамасининг «Республикада ташқи иқтисодий фаолиятни такомиллаштириш ва Ташқи иқтисодий алоқалар вазирлигини қайта ташкил этиш тўғрисида» 1994 йил 17 ноябрдаги 558-сон қарори.

3. Ўзбекистон Республикаси Вазирлар Маҳкамасининг «Ташқи савдони марказлаштиришдан ва монополиядан чиқаришни давом эттириш чора-тадбирлари тўғрисида» 1995 йил 4 апрелдаги 120-сон қарори.

4. Ўзбекистон Республикаси Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар ва қўшимчалар киритиш тўғрисида» 1998 йил 24 июлдги 312-сон қарори (Ўзбекистон Республикаси ҚТ, 1998 й., 7-сон, 28-модда)га илованинг 2-банди.

5. Ўзбекистон Республикаси Вазирлар Маҳкамасининг «Хорижий тижорат ташкилотларининг Ўзбекистон Республикаси ҳудудидаги ваколатхоналарини аккредитация қилиш тартиби ва уларнинг фаолияти тўғрисидаги Низомни тасдиқлаш ҳақида» 2000 йил 23 октябрдаги 410-сон қарори (Ўзбекистон Республикаси ҚТ, 2000 й., 10-сон, 68-модда)га 2-илованинг 1-банди.

6. Ўзбекистон Республикаси Вазирлар Маҳкамасининг «Ўзбекистон Республикаси Ҳукуматининг қарорларига ўзгартириш ва қўшимчалар киритиш тўғрисида» 2002 йил 5 январдаги 7-сон қарори (Ўзбекистон Республикаси ҚТ, 2002 й., 1-сон, 1-модда)га 2-илованинг 1-банди.

7. Ўзбекистон Республикаси Вазирлар Маҳкамасининг «Ўзбекистон Республикаси Ҳукуматининг айрим қарорларига қўшимча ва ўзгартиришлар киритиш тўғрисида» 2002 йил 1 майдаги 150-сон қарорига илованинг 3-банди (Ўзбекистон Республикаси ҚТ, 2002 й., 5-сон, 23-модда).

#### ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

### **160 Ўзбекистон Болалар спортини ривожлантириш жамғармаси фаолиятини ташкил этиш тўғрисида**

Ўзбекистон Республикаси Президентининг «Ўзбекистон Болалар спортини ривожлантириш жамғармасини тузиш тўғрисида» 2002 йил 24 октябрдаги ПФ-3154-сон Фармонини бажариш юзасидан ҳамда Жамғармага юкланган асосий вазифаларни

---

*Ўзбекистон Республикаси Қонун ҳужжатлари тўплами, 2002 й.*

амалга ошириш учун зарур шарт-шароитлар яратиш мақсадида Вазирлар Маҳкамаси **қарор қилади:**

1. 1-иловага\* мувофиқ вазирликлар, идоралар, корпорациялар, компаниялар, уюшмалар, бошқа хўжалик бирлашмалари, банклар, халқаро, жамоат ва ноҳукумат ташкилотлари, хорижий компанияларнинг Болалар спортини ривожлантириш жамғармаси муассислари сифатида қатнашиш тўғрисидаги таклифига розилик берилсин.

Ёшларнинг «Камолот» ижтимоий ҳаракати, Ўзбекистон Республикаси Миллий олимпия қўмитаси, Давлат жисмоний тарбия ва спорт қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Ўзбекистон Республикаси Халқ таълими вазирлиги, Олий ва ўрта махсус таълим вазирлиги, Соғлиқни сақлаш вазирлиги, Ўзбекистон Қасаба уюшмалари Федерацияси Кенгаши билан биргаликда Жамғарма ва унинг жойлардаги таркибий бўлинмалари фаолиятини ташкил этишда фаол қатнашсинлар.

2. Болалар спортини ривожлантириш жамғармасининг 2-иловага\* мувофиқ таркибда Ҳомийлик кенгаши тузилсин.

Ўзбекистон Республикаси Президенти республика даражасида Жамғарма Ҳомийлик кенгашининг раиси эканлиги маълумот учун қабул қилинсин.

Қорақалпоғистон Республикаси, вилоятлар ва Тошкент шаҳрида Жамғарма минтақавий филиалларининг ҳомийлик кенгашлари тузилсин.

Белгилаб қўйилсинки, Қорақалпоғистон Республикаси, вилоятлар ва Тошкент шаҳрида Жўқорғи Кенгес Раиси, вилоятлар ва Тошкент шаҳар ҳокимлари тегишли равишда минтақавий филиаллар ҳомийлик кенгашларининг раислари ҳисобланадилар.

Болалар спорт иншоотларининг моддий базасини қуриш бўйича қабул қилинган қарорларнинг амалга оширилиши юзасидан масъулият шаҳар ва туманлар ҳокимларининг тегишли ўринбосарлари зиммасига юклансин.

Шаҳарлар ва туманлар ҳокимликлари штатларига болалар спортининг спорт базаси шакллантирилиши ва ривожлантирилиши учун жавоб берадиган биттадан етакчи мутахассислар штати киритилсин.

3. Қуйидагилар:

Ўзбекистон Болалар спортини ривожлантириш жамғармаси тузилмаси, унинг чекланган ходимлари сони 18 кишидан иборат бўлган марказий аппарати тузилмаси ва минтақавий филиалларнинг намунавий тузилмаси 3, 4, 5\* ва 5а\*-иловаларга мувофиқ;

Ўзбекистон Болалар спортини ривожлантириш жамғармаси тўғрисидаги Низом 6-иловага мувофиқ маъқуллансин.

Белгилансинки, Жамғарма аппарати ва унинг минтақавий филиаллари таъминоти Жамғарманиннг ўз маблағлари ҳисобига амалга оширилади.

4. Жамғарманиннг Ҳомийлик кенгашига:

Жамғарма олдига қўйилган вазифаларни ҳал этишга манфаатдор давлат, нодавлат ва жамоат тузилмаларини, шунингдек хорижий шериклар маблағларини жалб этишни таъминлаш;

болалар жисмоний тарбияси ва спортини ривожлантиришга изчил ёндашувларни, шунингдек болалар спорт иншоотлари лойиҳаларининг намунавий, илмий асосланган негизда ишлаб чиқилишини ва жорий этилишини таъминловчи аниқ чора-тадбирларни амалга ошириш;

Жамғармага унинг зиммасига юкланган вазифаларни бажаришда, унинг моддий-техника ва молиявий базасини мустаҳкамлашда ҳар томонлама қўмаклашиш;

Жамғарма томонидан тўпланган маблағлардан мақсадли (йўналишлар бўйича) ва

---

\* 1, 2, 5, 5а-иловалар берилмайди.

қонуний равишда фойдаланилиши устидан қатъий назоратни таъминлаш, Жамғарма ижро этувчи директорининг ва унинг тузилмаларининг Жамғарма маблағларидан фойдаланилиши тўғрисидаги ҳисоботини мунтазам равишда эшитиш;

Жамғарманинг таъсис конференциясини ўтказишда, уни ноҳукумат халқаро ташкилот сифатида белгиланган тартибда рўйхатдан ўтказишда ва унинг тузилмалари раҳбарларини тасдиқлашда кўмаклашиш тавсия қилинсин.

5. Ўзбекистон Республикаси Молия вазирлиги манфаатдор вазирликлар, идоралар ва жамоат ташкилотлари билан биргаликда Жамғарма дирекцияси билан биргаликда Жамғарма маблағларини шакллантириш ва улардан мақсадли фойдаланиш тартибини бир ой муддатда ишлаб чиқсин ва тасдиқласин.

6. Ўзбекистон Республикаси Давлат жисмоний тарбия ва спорт қўмитаси Жамғарма, Халқ таълими вазирлиги, Олий ва ўрта махсус таълим вазирлиги, Соғлиқни сақлаш вазирлиги, «Давархитектқурилиш» қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда 2005 йилгача мамлакат аҳоли пунктларида болалар спорт комплексларини жойлаштириш ва ривожлантириш схемасини 2003 йил 1 январгача ишлаб чиқсин ҳамда тасдиқлаш учун тақдим этсин, бунда уларнинг ҳудудлар бўйича оқилона жойлаштирилишини, шунингдек замонавий талабларга мувофиқ техника билан жиҳозланишини назарда тутсин.

7. Ўзбекистон Республикаси «Давархитектқурилиш» қўмитаси кўрсатиб ўтилган талабларга мувофиқ болаларнинг ижтимоий ва ёши хусусиятларини ҳамда болалар ва ёшларнинг жисмоний тарбия-спорт тайёргарлигига эҳтиёжини, шунингдек болалар спорт комплексларининг санитария-гигиена ва маиший шароитларига қўйиладиган юксак талабларни ҳисобга олувчи болалар спорт комплексларининг базавий намунавий лойиҳалари тендер асосида ишлаб чиқилишини ташкил этсин.

Жамғарма болалар спорт комплекслари базавий намунавий лойиҳаларининг буюртмачиси этиб белгилансин, бош лойиҳалаштириш ташкилоти функциялари «Давархитектқурилиш» қўмитасининг «ЎзЛИТТИ» акциядорлик жамиятига юклансин.

Белгилансинки, экспертизадан ўтмаган ва «Давархитектқурилиш» қўмитаси билан келишилмаган болалар спорт комплексларини куриш қатъий тақиқланади.

8. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари бир ой муддатда Жамғарманинг минтақавий филиалларини жойлаштириш, уларни ўз функцияларини бажаришлари учун мебель ва зарур техника, алоқа воситалари билан таъминлаш чора-тадбирларини кўрсинлар.

Тошкент шаҳар ҳокимлиги Ўзбекистон Болалар спортини ривожлантириш жамғармаси ижро этувчи дирекциясини жойлаштириш учун бир ой муддатда бино ажратсин.

9. «Тошшаҳарйўловчитранс» уюшмаси шартнома асосида Жамғарма дирекциясини хизмат автотранспорти билан таъминласин, Ўзбекистон алоқа ва ахборотлаштириш агентлиги эса Жамғарма буюртманомасига кўра Жамғарма марказий аппаратини ва унинг минтақавий филиалларини зарур алоқа, шу жумладан Ҳукумат алоқаси воситалари билан жиҳозласин.

10. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари К.Н.Тўлаганов зиммасига юклансин.

**Вазирлар Маҳкамасининг Раиси И. КАРИМОВ**


Тошкент ш.,  
2002 йил 31 октябрь,  
374-сон

---

*Ўзбекистон Республикаси Қонун ҳужжатлари тўплами, 2002 й.*

Вазирлар Маҳкамасининг  
2002 йил 31 октябрдаги 374-сон қарорига  
3-ИЛОВА

### Ўзбекистон Болалар спортини ривожлантириш жамғармаси ТУЗИЛМАСИ





Вазирлар Маҳкамасининг  
2002 йил 31 октябрдаги 374-сон қарорига  
4-ИЛОВА

**Болалар спортини ривожлантириш жамғармаси  
марказий аппаратининг  
ТУЗИЛМАСИ**

**Раҳбарият:**

Бошқарув раиси	1
Ижро этувчи директор	1
Кадрлар бўйича инспектор	1
<b>Молиявий ва моддий маблағларни шакллантириш, хорижий инвестициялар бўлими</b>	
Бўлим бошлиғи	1
Бош мутахассис	2
Етакчи мутахассис	1
<b>Болалар спорт комплексларини лойиҳалаштириш, жойлаштириш ва қуришни ташкил этиш, улардан фойдаланиш, моддий-техника таъминоти бўлими</b>	
Бўлим бошлиғи	1
Бош мутахассис	1
Етакчи мутахассис	1
<b>Болаларни спорт билан оммавий шугулланишга жалб этишни илмий- методик ва ташкилий таъминлаш бўлими</b>	
Бўлим бошлиғи	1
Бош мутахассис	1
Етакчи мутахассис	1
<b>Жамғарма маблағларидан мақсадли фойдаланилишини молиявий назорат қилиш бўлими</b>	
Бўлим бошлиғи	1
Бош мутахассис	1
Етакчи мутахассис	1
<b>Бухгалтерия</b>	
Бош бухгалтер	1
Бухгалтер-кассир	1
<b>Жами:</b>	<b>18</b>

Вазирлар Маҳкамасининг  
2002 йил 31 октябрдаги 374-сон қарорига  
6-ИЛОВА

**Ўзбекистон Болалар спортини ривожлантириш  
жамғармаси тўғрисида  
НИЗОМ**

**I. Умумий қоидалар**

1. Ўзбекистон Болалар спортини ривожлантириш жамғармаси (кейинги ўринларда Жамғарма деб аталади) Ўзбекистон Республикаси Президентининг «Ўзбекистон Болалар спортини ривожлантириш жамғармасини тузиш тўғрисида» 2002 йил 24 октябрдаги ПФ–3154-сон Фармони билан ташкил этилган.

2. Жамғарма ўз фаолиятини Ўзбекистон Республикаси Конституциясига, Ўзбекистон Республикаси қонунларига, Ўзбекистон Республикаси Президентининг фар-

монлари ва фармойишларига, Вазирлар Маҳкамасининг қарорлари ва фармойишларига, ушбу Низомга ва Уставга мувофиқ амалга оширади.

3. Жамғарма у халқаро ноҳукумат жамоат ташкилоти сифатида давлат рўйхатидан ўтказилган вақтдан бошлаб юридик шахс ҳуқуқини олади. Жамғарма хўжалик мустақиллиги асосида фаолият кўрсатади, ўз мол-мулкига, мустақил балансга, банкларда ҳисоб рақамларига, шу жумладан хорижий валютадаги ҳисоб рақамларига эга бўлади. Ўз номидан мулкӣ ва номулкӣ ҳуқуқларга эга бўлади, тегишли мажбуриятлар олади.

4. Жамғарма фаолиятида жамоат ташкилотлари ҳамда мулкчилик шаклларида қатъи назар, корхоналар ва хўжаликларнинг меҳнат жамоалари, муассасалар ва ижодий уюшмалар, вазирликлар, идоралар, уюшмалар, компаниялар ва бошқа хўжалик бирлашмалари, тижорат тузилмалари, хорижий ва бошқа ташкилотлар, соғлом авлодни шакллантиришга ўз ҳиссасини қўшишни хоҳловчи юридик ва жисмоний шахслар ихтиёрий асосда қатнашишлари мумкин.

5. Жамғарма фаолияти хайрия тусига эгадир. Унинг маблағлари, уларнинг тушиш манбаларидан қатъи назар, Жамғарманинг мақсади ва унга юкланган вазифаларга эришиш учун сарфланади.

Жамғарманинг тижорат ва савдо-воситачилик фаолияти билан шуғулланиши тақиқланади.

6. Жамғарманинг юридик манзили: Ўзбекистон Республикаси, Тошкент шаҳри.

## **II. Жамғарманинг мақсади, асосий вазифалари ва фаолияти йўналишлари**

7. Ўсиб келаётган ёш авлоднинг жисмоний ва маънавий саломатлигини шакллантиришнинг, уларга соғлом турмуш тарзига интилиш ва спортга меҳр-муҳаббатни сингдиришнинг фоят муҳим шарти сифатида болалар оммавий спортини ривожлантиришни таъминлаш Жамғарма фаолиятининг мақсади ҳисобланади.

8. Қуйдагилар Жамғарманинг асосий вазифалари ҳисобланади:

болалар жисмоний тарбия ва спортини ривожлантириш борасида давлат сиёсатини ишлаб чиқиш ва амалга оширишга, болалар спортини аниқ мақсад йўлида ва барқарор авж олдиришга кўмаклашиш;

болаларда спортга меҳр уйғотиш, ўсиб келаётган ёш авлод онгида спорт билан шуғулланиш, соғлом турмуш тарзига амал қилиш, маънавий ва жисмоний камолга интилиш, уларни салбий таъсирдан ҳимоя қилиш ҳамда зарарли одатлардан халос этиш, болаларни барқарор феъл-атворли, Ватанга меҳр-муҳаббат ва ўз мамлакати учун гурурифтхор руҳида тарбиялаш борасидаги чора-тадбирлар комплексини амалга ошириш;

биринчи навбатда қишлоқ жойларда болалар жисмоний тарбия ва спортининг моддий базасини шакллантириш, аҳоли манзилгоҳларида замонавий болалар спорт комплекслари тармоғини барпо этиш, уларни замонавий спорт ускуналари ҳамда анжомлари билан жиҳозлаш, улардан самарали фойдаланишни таъминлашга кўмаклашиш бўйича зарур молиявий ва моддий маблағларни жамлаш;

болаларни жисмоний ва маънавий тарбиялашнинг замонавий шакл ва услубларини, жинси ва ёшига қараб болаларга спорт кўникмаларини сингдиришнинг, спорт соҳасида иқтидорли болаларни ихтисослаштирилган спорт мактаблари ва марказларидаги машғулотларга танлаб олишнинг илмий асосланган тизимларини ишлаб чиқишни ташкил этиш ҳамда уларни тадбиқ қилишга кўмаклашиш;

шаҳарларда ва қишлоқ жойларда спорт иншоотларини янада ривожлантириш уларни мамлакатнинг аҳоли пунктларида оқилона жойлаштириш ҳамда замонавий талабларга мувофиқ техника билан жиҳозлаш;

болаларнинг жисмоний ва руҳий жиҳатдан уйғун камол топишини таъминлашни назарда тутган ҳолда тиббиёт муассасалари ва ташкилотлари билан ўзаро яқин ҳамкорликни таъминлаш;

болалар ва ёшларнинг ижтимоий ва ёши хусусиятларини ҳамда уларнинг жисмоний-спорт тайёргарлиги турларига эҳтиёжларини ҳисобга олиш, жойларда Жамғарманинг спорт фидойилари ишларини ташкил этиш бўйича ўқув-амалий дастурларини яратиш;

худуд аҳолисининг зичлигини, спорт машғулотиغا жалб этиладиган болалар сони, жинси ва ёшини эътиборга оладиган болалар спорт майдончалари ва комплексларининг илмий асосланган намунавий лойиҳаларини ишлаб чиқишга қўмаклашиш;

болаларни жисмоний тарбиялашнинг илмий асосланган замонавий тизимлари, шакл ва услубларини жорий этиш, болалар спорти бўйича устозлар ва педагог кадрларни мамлакатнинг етакчи илмий ҳамда таълим марказларида ва чет элларда тайёрлаш, қайта тайёрлаш ҳамда уларнинг малакасини ошириш борасида республика Миллий олимпия қўмитаси, спорт федерациялари, клуб ва ташкилотлари билан ўзаро фаол ҳамкорлик қилиш;

болалар оммавий спортини ривожлантириш, истиқомат жойларида техникавий жиҳозланган, замонавий болалар спорт комплексларини барпо этиш аҳамиятини кенг тарғиб қилишни ташкил этиш ва амалга ошириш, ушбу вазифаларни рўёбга чиқаришга жамоатчиликни, фуқароларнинг ўзини ўзи бошқариш органларини, кичик ва ўрта бизнес, хусусий тадбиркорлик вакилларини, корхона ва ташкилотларни, шу жумладан халқаро ташкилотларни фаол жалб этиш;

мамлакатимиз ҳамда чет эл инвестицияларини, ҳомийлик маблағлари ва грантларини болалар-ўсмирлар жисмоний тарбия ва спорти соҳасига кенг қўламда жалб этиш борасидаги ишларни ташкил қилиш;

иктидорли ёш спортчиларни моддий жиҳатдан қўллаб-қувватлашни амалга ошириш;

давлатлараро, халқаро, шунингдек минтақавий тузилмалар ва ташкилотлар билан халқаро спорт ҳамкорлигида, жисмоний тарбия-соғломлаштириш, спорт-оммавий ишлар ва хайрия фаолияти бўйича тажриба алмашишда қатнашиш;

Ватанимиз жисмоний тарбия ва спортини ахборотлар билан таъминлаш тизимини шакллантириш ва ривожлантириш, уларни жаҳон ахборот тармоғига киритиш;

минтақавий жамғармаларни ташкил этиш ва уларни зарур ўқув-методик ҳамда кўргазмалар-расмлар материаллар билан таъминлаш, ушбу ишга олимларни, юқори малакали мутахассисларни жалб этиш, ноширлик базасини ва илмий соҳани ривожлантириш, давлат тилида луғатлар ва маълумотнома адабиётларни чоп этиш;

хўжалик фаолиятини ташкил этиш, устав вазифаларини бажаришга ёрдам берувчи суғурта, тижорат, шунингдек коммунал-маиший хизматлар кўрсатиш.

### **III. Жамғарманинг ҳуқуқлари ва мажбуриятлари**

9. Жамғарма юкланган вазифалар ва фаолият йўналишларини таъминлаш учун Ўзбекистон Республикаси қонун ҳужжатларига мувофиқ қўйидаги ҳуқуқларга эга:

уставдаги мақсад ва вазифаларни бажаришни таъминлаш учун ўз ваколатлари доирасида юридик ва жисмоний шахслар билан ҳуқуқий ҳужжатларни мустақил равишда тузиш;

болалар спортини ривожлантиришнинг турли масалалари бўйича белгиланган тартибда ташаббус билан чиқиш, давлат ҳокимияти ва бошқаруви органларига таклифлар киритиш;

оммавий жисмоний тарбия-соғломлаштириш ва спорт тадбирларини ўтказиш,

турли хил спорт мусобақаларида, нотижорат мақсадларидаги тендерлар ва танловларда қатнашиш;

давлат, нодавлат ва жамоат ташкилотлари, корхоналар, муассасалар ҳамда фирмалар билан биргаликда болалар спортини ва унинг моддий базасини ривожлантириш бўйича ўз лойиҳалари ва дастурларини амалга ошириш;

республиканинг ва хорижий мамлакатларнинг корхоналари, ташкилотлари, ҳудудий органлари, шунингдек халқаро ташкилотлар билан ўзаро фойдали ҳамкорликни ривожлантириш;

контракт асосида спорт-педагог кадрларни, шу жумладан хорижий мутахассисларни, олимларни жалб этган ҳолда, ўқитиш;

Жамғарманинг уставдаги фаолияти соҳасига тааллуқли масалалар бўйича семинарлар ва конференциялар ўтказиш;

Ўзбекистон Республикаси ҳудудида қонун ҳужжатларига мувофиқ шуъба корхоналар, кўшма корхоналар, ишлаб чиқариш муассасалари ва бошқа ташкилотларни таъсис этиш;

минтақалараро ҳамкорликка кўмаклашиш;

зарур ҳолларда, уставдаги вазифаларни ҳал этиш учун муассисларнинг ва бошқа ташкилотларнинг ёрдамидан: мол-мулкидан, бошқа мулкчилик объектларидан, шу жумладан интеллектуал мулкидан шартномавий асосда фойдаланиш;

кўчар ва кўчмас мол-мулкни мулк қилиб сотиб олиш;

қонун ҳужжатларида назарда тутилган тартибда давлат ҳокимияти ва бошқаруви органлари қарорларини ишлаб чиқишда қатнашиш;

ўз атрибутларини (фирма белгиларини) яратиш;

белгиланган тартибда банкларда ҳисоб-китоб рақамларини, шу жумладан валюта ҳисоб-китоб рақамларини очиш, миллий ва эркин алмаштириладиган валютада банк кредитлари ва ссудалар олиш, ўз номидан шартномалар ва контрактлар тузиш, мулкӣ ҳуқуқларга эга бўлиш, судда даъвогар ва жавобгар бўлиш;

фаолиятга маҳаллий ва хорижий мутахассисларни жалб этиш;

спортга оид материалларни нашр этиш ва тарқатиш;

Жамғарманинг моддий ва молиявий маблағларидан фойдаланиш устидан назоратни амалга ошириш;

юрidik ва жисмоний шахсларга тегишли консултация, ахборот хизматлари ва бошқа хил хизматлар кўрсатиш;

оммавий ахборот воситаларида ўз фаолияти тўғрисида хабарлар бериш;

давлат, жамоат ва халқаро ташкилотлар билан амалий алоқалар боғлаш.

#### 10. Жамғарма қуйидагиларга мажбур:

ўсиб келаётган авлод ўртасида жисмоний тарбия ва спортни ривожлантириш давлат сиёсати ва дастурларини амалга оширишда фаол қатнашиш;

ваколатхоналарга, филиалларга ҳамда Жамғарма томонидан ташкил этилган бошқа ташкилотларга ўз фаолияти дастурларини ишлаб чиқишда ҳар томонлама кўмаклашиш ва уларнинг ишларини ўз вақтида назорат қилиш ва мувофиқлаштириш;

Жамғарма томонидан йўналтириладиган молиявий ва моддий маблағлардан уставдаги вазифаларга мувофиқ қатъий мақсадли фойдаланилишини таъминлаш.

11. Жамғарма ва унинг Қорақалпоғистон Республикаси, вилоятлар ва Тошкент шаҳридаги минтақавий филиаллари ўз фаолиятида, энг аввало, болалар спорт иншоотлари қурилиши масалаларида шаҳарлар ва туманлар ҳокимларининг тегишли ўринбосарлари, шунингдек шаҳарлар ва туманлар ҳокимликлари штатларига янгидан киритилган, болалар спорти спорт базаларининг шакллантирилиши ва ривожлантирилиши учун жавоб берадиган етакчи мутахассислар билан ўзаро ҳамкорлик қилади ва уларга таянади.

#### IV. Жамғарма қатнашчилари

12. Давлат, жамоат ва ноҳукумат ташкилотлари, фуқароларнинг ўзини ўзи бошқариш органлари, корпорациялар, компаниялар, уюшмалар ва бошқа хўжалик бирлашмалари, корхоналар, банклар, бошқа жамғармалар, шу жумладан хорижий жамғармалар, шунингдек Жамғарманинг асосий вазифаларини амалга оширишда ихтиёрий асосда қатнашувчи юридик ва жисмоний шахслар (резидентлар ва норезидентлар) Жамғарманинг қатнашчилари ҳисобланадилар.

#### V. Бошқарув органлари тузилмаси

13. Жамғарма қатнашчиларининг Конференцияси Жамғармани бошқаришнинг юқори органи ҳисобланади, Конференция Жамғарманинг уставдаги фаолияти асосий йўналишларини белгилайди.

Конференцияда Жамғарма бошқаруви, бошқарув раиси, тафтиш комиссияси сайланади, Жамғарма ижро этувчи директори тасдиқланади.

14. Жамғарма олдига қўйилган вазифаларни ҳал этишга манфаатдор давлат, нодавлат ва жамоат тузилмаларини ва хорижий шерикларни жалб этишни таъминлаш, болалар жисмоний тарбияси ва спортини ривожлантиришга изчил ёндашувларни таъминловчи аниқ чора-тадбирларни амалга ошириш, Жамғарма томонидан уставдаги фаолияти амалга оширилишига ҳар томонлама қўмаклашиш, унинг моддий-техника ва молиявий базасини мустаҳкамлаш, шунингдек Жамғарма томонидан жалб қилинаётган маблағлардан қатъий мақсадли фойдаланилишини таъминлаш учун Ҳомийлик кенгаши тузилади.

Ҳомийлик кенгаши Жамғарманинг уставдаги вазифаларига мувофиқ Жамғарма бошқаруви раисининг ҳисоботини мунтазам равишда эшитиб боришга ва тасдиқлашга мажбур.

15. Назорат-тафтиш комиссияси Жамғарма маблағларидан мақсадли (йўналишлар бўйича) ва қонуний фойдаланилишини, Жамғарманинг, унга қарашли минтақавий филиаллар ва таркибий бўлинмаларнинг молия-хўжалик фаолиятини назорат қилади.

16. Бошқарув раиси ва аъзолари Жамғарма қатнашчилари орасидан Конференция томонидан сайланади.

Жамғарма бошқаруви раиси мақоми ва моддий-маиший шароитларига кўра вазир ўринбосарига тенглаштирилади.

17. Жамғарма бошқаруви раиси Жамғарма ва унинг минтақавий филиаллари фаолиятига раҳбарлик қилади ва унинг учун жавоб беради, Жамғарма номидан ишончномасиз иш кўради, бошқа юридик, шу жумладан хорижий юридик шахслар билан муносабатларда унинг номидан вакиллик қилади, бошқарув қарорларини имзолайди.

раис раҳбарлигида Бошқарув:

Жамғарма фаолиятини унинг фаолияти асосий йўналишлари бўйича мувофиқлаштиради;

Жамғарма марказий аппарати, унинг минтақавий филиаллари ва ваколатхоналари фаолиятига умумий раҳбарликни амалга оширади;

мақсадли дастурлар ишлаб чиқилиши ва амалга оширилишини ташкил этади;

турли ташкилотларда, шу жумладан хорижий ташкилотларда Жамғарма манфатларини ифодалайди.

18. Жамғарма марказий аппарати жорий фаолиятига раҳбарликни ижро этувчи директор амалга оширади, у Жамғарма номидан ишончномасиз иш кўради, ўз ваколатлари доирасида буйруқлар чиқаради, меҳнат тўғрисидаги қонун ҳужжатларига

мувофиқ ходимларни ишга қабул қилади ва ишдан бўшатади (Жамғарма бошқаруви билан келишган ҳолда) штатлар рўйхатини, марказий аппарат ва минтақавий филиалларнинг жорий таъминотиغا харажатлар сметасини тасдиқлайди, Жамғарма маблағларини белгиланган тартибда тасарруф этади, юридик ва жисмоний шахслар билан шартномалар тузади.

19. Жамғарма минтақавий филиаллари раҳбарлари Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимларининг тавсияномасига кўра, Ҳомийлик кенгаши билан келишган ҳолда, Жамғарма бошқаруви томонидан тайинланадилар.

20. Жамғарма марказий аппарати штатдаги ходимлари сони 18 кишидан (хизмат кўрсатувчи ходимлардан ташқари), минтақавий филиалларда эса — 3 кишидан иборат этиб белгиланади.

21. Жамғарма аппарати ва унинг минтақавий филиаллари таъминоти Жамғарманинг ўз маблағлари ҳисобига амалга оширилади.

## VI. Жамғарманинг мол-мулки ва молиявий маблағлари

22. Жамғарманинг мол-мулки асосий воситалар ва Жамғарма томонидан Жамғарма қатнашчилари улушлари ҳисобига олинган бошқа активлардан ташкил топиши мумкин.

23. Жамғарманинг пул маблағлари:

давлат бюджети (республика бюджети ва маҳаллий бюджетлар) маблағлари;

Жамғарма муассисларининг пул бадаллари;

Миллий олимпия кўмитаси, спорт федерациялари, ташкилотлари ва клубларининг пул маблағлари;

хорижий мамлакатлар, халқаро ташкилотлар ва молиявий институтларнинг грантлари ва беғараз ёрдами;

бюджетдан ташқари жамғармаларнинг ажратмалари, хўжалик юритувчи субъектлар, кичик ва ўрта бизнес, хусусий тадбиркорлар, Ўзбекистон Республикасининг ҳам резидентлари ва ҳам норезидентлари бўлган юридик ва жисмоний шахсларнинг ҳомийлик маблағлари;

Жамғарма фаолиятдан, шунингдек Жамғарма олдида қўйилган вазифаларни ҳал этиш мақсадида Жамғарма томонидан таъсис этилган корхоналар ва ташкилотлар даромадлари;

қонун ҳужжатларида тақиқланмаган бошқа тушумлар ҳисобига шакллантирилади.

24. Жамғарманинг ҳар йилги даромадлар ва харажатлар сметаси Жамғарма бошқаруви тақдимномасига кўра Ҳомийлик кенгаши томонидан тасдиқланади.

Жамғарманинг пул маблағлари уставдаги вазифаларни бажаришга, болалар спортни ривожлантиришга доир тегишли давлат дастурларида назарда тутилган тадбирларга, шунингдек Жамғарма томонидан амалга оширилаётган болаларни соғломлаштириш дастурларини рўёбга чиқаришда фаол қатнашаётган шахсларни рағбатлантиришга сарфланади.

25. Солиқлар, йиғимлар ва тўловлар Жамғарма томонидан амалдаги қонун ҳужжатларига мувофиқ тўланади.

26. Жамғарма ва унинг минтақавий филиаллари ўз мажбуриятлари бўйича ўзларига тегишли барча мол-мулк билан жавоб берадилар.

Давлат Жамғарма мажбуриятлари бўйича, Жамғарма эса давлат мажбуриятлари бўйича жавоб бермайди.

27. Жамғарманинг мулкӣ ҳуқуқлари Ўзбекистон Республикасининг жамоат

ноҳукумат ташкилотлар учун белгиланган қонун ҳужжатларига мувофиқ муҳофаза қилинади.

## VII. Жамғарма фаолиятини тўхтатиш тартиби

28. Жамғарманинг фаолияти Жамғарма конференцияси қарорига қўра ёки Ўзбекистон Республикасининг амалдаги қонун ҳужжатларида назарда тутилган ҳолларда тўхтатилади.

29. Жамғарма ихтиёрига берилган бинолар, асбоб-ускуналар ва бошқа мол-мулк уларнинг эгаларига қайтарилди.

30. Жамғармани тугатиш яқунланган, Жамғарма эса фаолиятини тўхтатган деб, бу тўғрида давлат рўйхатидан ўтказиш реестрига ёзиб қўйилган пайтдан бошлаб, ҳисобланади.

### ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

## 161 Ўзбекистон Республикаси Ҳукуматининг айрим қарорларига ўзгартиришлар киритиш тўғрисида

Ўзбекистон Республикаси Президентининг «2002 йилнинг 1 сентябридан бошлаб ўқитувчилар ва ўқув юртлари муаллимларининг, илмий ходимларнинг иш ҳақи миқдорларини ошириш тўғрисида» 2002 йил 7 августдаги ПФ-3112-сон Фармонига мувофиқ Вазирлар Маҳкамаси **қарор қилади:**

Ўзбекистон Республикаси Ҳукуматининг қуйидаги қарорларига ўзгартиришлар киритилсин:

Ўзбекистон Республикаси Вазирлар Маҳкамасининг «Ўзбекистон Республикасининг Меҳнат кодексини амалга ошириш учун зарур бўлган норматив ҳужжатларни тасдиқлаш тўғрисида» 1997 йил 11 мартдаги 133-сон қарори билан тасдиқланган Алоҳида тусга эга бўлган ишлардаги қисқартирилган иш куни белгиланадиган ходимлар рўйхатида (Ўзбекистон Республикаси ҚТ, 1997 й., 3-сон, 11-модда):

6-банднинг иккинчи устунидаги «14» рақами «18» рақамига алмаштирилсин;

7-банднинг иккинчи устунидаги «16» рақами «20» рақамига алмаштирилсин;

8-банднинг иккинчи устунидаги «640» рақами «800» рақамига алмаштирилсин;

9-банднинг иккинчи устунидаги «720» рақами «800» рақамига алмаштирилсин;

Ўзбекистон Республикаси Вазирлар Маҳкамасининг «Академик лицейлар ва касб-ҳунар коллежлари ходимлари меҳнатини рағбатлантиришга доир қўшимча чора-тадбирлар тўғрисида» 2000 йил 21 августдаги 327-сон қарори 1-бандининг учинчи хат-бошидаги «640» рақами «800» рақамига алмаштирилсин.

### Ўзбекистон Республикасининг Бош вазири Ў. СУЛТОНОВ

Тошкент ш.,  
2002 йил 31 октябрь,  
375-сон